

賀
秘
監

遺
書

四明張氏約園開雕

寶函

貴書

賀祕監遺書序

余讀莫太守逸老堂記以爲四明淑氣蜿蜒扶輿磅礴
宜有魁竒才識之士必季真乃當之其言是也而又以
季真得攝生之妙數百歲不死則鑿矣夫季真自有其
不死者在而奚必其果仙去也漢之留侯曰從赤松子
遊唐之鄴侯曰歸衡山季真之志如斯而已間嘗攷其
生平抱超拔羣類之才而有清曠沖夷之性陸象先嘗
語人曰一日不見季真則鄙吝生杜工部詠飲中八仙
而冠諸首騎馬乘船眼花水底其風流尤可想見也觀

賀祕監遺書序

一四明叢書
約園刊本

肅宗詔曰常靜默以養閑因談諧而諷諫蓋得黃老之
學而豈沮溺其心者哉當天寶之際泰極否來禍水生
於宮中悍將擅於闕外姚宋政蹟已漸泯慚郭李威名
尙未顯著季真負禮學文章之望爲太子賓客之司旣
無官守言責叢集於身慕道遺榮飄然以湖山老其曰
夢遊帝居曰父子入道俱遺故鄉則有託焉而逃者也
太子餞送上爲賦詩一時嘖嘖稱羨而士大夫且各應
制和詩以壯其行謂季真之去爲可法史官秉筆書之
以爲榮寵自天寶三載於今一千一百八十有九年矣

猶令人想像季真歸鄉之日風采夷和優游野服鑑湖
一曲其喜洋洋者矣蓋自其迹而觀之富貴而蟻蝶卿
相而涕唾此人情之所難也而就其時而攷之呼青蓮
爲謫仙目稚子如秋水此其心有獨苦也聞蕊泉之詩
曰旣晚歸朝歲而先避蜀年其深知季真者哉余旣與
馮君孟顓輯其詩文及其遺聞軼事與夫憑弔於千歲
後者曰賀祕監遺書因論其世而表之爲邦人君子告
民國二十一年四月後學張壽鏞序

賀祕監遺書目錄

祕監集

遺書一

詩

開元十三年禪社首山祭地祇樂章

迎神用順和

皇帝行用太和

登歌奠玉帛用肅和

迎俎入用雍和

皇帝酌獻用壽和

賀祕監遺書

目錄

一四明叢書
約園刊本

皇帝飲福用福和

皇帝還宮用太和

奉和御製春臺望

春臺望 御製

望人家桃李花

曠發

送人之軍中

奉和聖製送張說巡邊

送張說巡邊

御製

奉和聖製集賢書院成送張說上集賢學士賜
宴賦得謨字

集賢書院成送張說上集賢學士賜宴賦得

珍字 御製

偶遊主人園

董孝子黯復讎

回鄉偶書二首

采蓮曲

答朝士

賀祕監遺書 目錄

一一四明叢書

約園刊本

和作

顧況

柳枝詞

句

文

上封禪儀注奏

唐龍瑞宮記

近日帖

敬和帖

漏日帖

事宜帖

湖東帖

唐故和州刺史吳郡張公無擇墓銘

外紀卷一

遺書二之一

制

授起居郎制

唐玄宗

授太子賓客銀青光祿大夫兼正授祕書監制

唐玄宗

賜歸鄉里拜其子典設郎曾子爲朝散大夫本

賀祕監遺書 目錄

三四明叢書
約園刊本

郡司馬以伸侍養制

唐玄宗

贈禮部尙書制

唐肅宗

像

逸老堂畫像石刻

古聖賢像傳略

賀祕監

清 顧沅

於越先賢傳像

唐禮部尙書賀公知章

清 任熊

贊

賀祕監贊

唐玄宗

會稽先賢祠傳贊

唐祕書監賀公

宋史浩

四明十二先生贊

石窗賀公先生

宋史浩

逸老堂賀祕監畫像贊

宋吳潛

四明先賢賀先生知章贊

明黃潤玉

於越先賢像傳贊

唐禮部尙書賀公

清王齡

傳

賀祕監畫像目錄

四四明叢書
約園刊本

舊唐書文苑傳

晉劉昫

新唐書隱逸傳

宋宋祁

雍正寧波府志傳

清曹秉仁

康熙鄞縣誌傳

清聞性道

光緒鄞縣志傳

清徐時棟

甬上耆舊詩傳

清李鄴嗣

逸事

大唐新語三則

唐劉肅

封氏聞見記一則

唐封演

撫言一則

唐 王定保

本事詩一則

唐 孟榮

雲溪友議一則

唐 范攄

獨異志一則

唐 李尤

開天傳信記一則

唐 鄭棨

太平廣記一則

宋 李昉

唐語林一則

宋 王讜

海錄碎事一則

宋 葉廷珪

嘉泰會稽志一則

宋 施宿

賀祕監遺書

目錄

五四明叢書
約園刊本

著述

通志藝文畧

宋 鄭樵

宋史藝文志

元 脫脫

國史經籍志

明 焦竑

澹生堂書目

明 祁承燦

嘉靖寧波府志

明 張時徹

雍正寧波府志

清 曹秉仁

康熙鄞縣誌

清 閻性道

乾隆鄞縣志

清 錢大昕

咸豐鄞縣志

清 周道遵

光緒鄞縣志

清 徐時棟

外紀卷二

遺書二之二

酬贈詩

送賀祕監歸會稽詩

一作歸四明并序

唐玄宗

唐 李適之

唐 李林甫

唐 嗣許王瓘

賀祕監遺書 目錄

六 四明叢書
約園刊本

唐 襲信郡王璆

唐 席豫

唐 宋鼎

唐 郭虛己

唐 李巖

唐 韋斌

唐 李慎微

唐 韋堅

唐 齊澣

唐崔璘

唐梁涉

唐王濬

唐王瑀

唐姚鵠

唐王鐸

唐何千里

唐嚴都

唐嚴向

御秘監遺書

目錄

七四明叢書
約園刊本

唐康璉

唐韓宗

唐郭慎微

唐于休烈

唐齊光乂

唐韋述

唐韓倩

唐杜昆吾

唐張綽

唐 陸善經

唐 胡嘉鄒

唐 魏 盈

唐 李彥和

唐 張博望

唐 辛替否

唐 盧 象

唐 李 白

唐 李 白

八四明叢書
約園刊本

唐 王 灣

唐 李 白

唐 李 白

唐 杜 甫

唐 杜 甫

明 朱 鉞

明 李 綱

明 劉晉蕃

清 閩性道

送賀賓客歸越

賀祕監遺書 目錄

奉和賀監林月清酌

對酒憶賀監二首 并序

重憶

遣興

飲中八仙歌

懷賀祕監

鑑湖懷賀季真

清顧廷綸

十一夜過山陰懷賀先生

清徐時棟

法書

述書賦一節

唐竇泉

述書賦注

唐竇蒙

洛中寺北樓見賀監草書題詩

唐劉禹錫

祕書省有賀監知章草題詩筆力遒健風尚高

遠拂塵尋玩因此有作

唐溫庭筠

賀祕監遺書

目錄

九四明跋書
約園刊本

祕閣五絕圖賀監草書贊

唐權德輿

因話錄一則

唐趙璘

宣和書譜一則

宋佚名

東觀餘論一則

宋黃伯思

石刻鋪敘一則

宋曾宏父

嘉泰會稽志二則

宋施宿

戲鴻堂法書跋一則

明董其昌

庚子銷夏記一則

清孫承澤

閒者軒帖考一則

清孫承澤

康熙鄞縣誌一則

清 閻性道

鮎埼亭外編一則

清 全祖望

兩浙金石志一則

清 阮元

詩話

侯鯖錄一則

宋 趙令時

唐詩紀事九則

宋 計有功

對牀夜語一則

宋 范晞文

批點唐音一則

明 顧璘

敬止錄一則

明 高宇泰

賀祕監遺書

目錄

十四明叢書
約園刊本

遺蹟

賀祕監故宅

寶慶四明志

過小溪鮑彥升宅是賀祕監所生處

明 周應辰

賀祕監書樓

光緒鄞縣志

賀祕監書樓

明 楊德周

前題

明 高尚十詠之一
葛士楨

前題

明 周元孚

賀祕監釣臺

光緒鄞縣志

高尙澤釣臺記

清全祖望

賀祕監釣臺

明沈一貫

清馬曰璐

清全祖望

高尙澤訪賀祕書釣臺

清王燾

雨後渡蘭江過賀祕書釣臺

清王燾

賀祕監釣臺

清徐時燦

訪高尙澤古址

清董濂

賀祕監遺書目錄

十二四明叢書
約園刊本

馬湖

光緒鄞縣志

登賀祕書洗馬湖山

清王燾

響巖

康熙鄞縣誌

鏡湖

嘉泰會稽志

賀監湖上二首

宋樓鑰

放生池

嘉泰會稽志

賀季真宅

嘉泰會稽志
康熙浙江志
嘉慶山陰志

題賀知章故居

唐溫庭筠

千秋鴻禧觀

寶慶會稽志

題千秋觀懷賀亭

宋陸游

天長觀

乾隆紹興志
會稽縣志

經故賀賓客鏡湖道士觀

唐朱放

明眞觀

乾隆紹興志

明眞觀

明王埜

天慶觀

嘉泰會稽志

和書天慶觀賀祕監堂三首

宋秦觀

賀祕監遺書

目錄

十二

四明叢書
約園刊本

冢墓

嘉泰會稽志

圖詠

書王晉卿畫

四明狂客

宋蘇軾

次韻題畫卷

四明狂客

宋蘇轍

題賀監像

宋樓鑰

賀知章乞鑑湖一曲圖

明徐渭

外紀卷三

遺書二之三

祠廟

賀祕監祠

光緒鄞縣志

逸老堂記

宋 莫將

重建逸老堂碑記

宋 吳潛

賀祕監祠堂記

元 劉仁本

敘唐祕監賀公

明 沈愷

賀祕監祠堂記

并詩

明 高宇泰

賀祕監祠碑

并詩

明 周容

逸老堂碑銘

清 全祖望

賀季真祠堂記

清 汪國

謁賀監祠

明 陸瑜

賀祕監遺書

目錄

三四明叢書
約園刊本

前題

明 楊承鯤

前題

明 李峻

前題

明 洪崑

前題二首

明 周容

賀公祠步青蓮韻

明 鍾鳴雷

詠賀季真祠二首

清 薛士學

月湖眺望謁賀監祠

清 謝泰宗

謁賀監祠二首

清 李鄴嗣

賀季真祠

清 袁德峻

謁賀監祠

清倪象占

前題

清厲志

秋日逸老堂下

明陸崑

逸老堂懷古

清陳銘海

賀祕監逸老堂

清陳勳

賀祠雙柏

附

康熙鄞縣誌

賀監祠記略

明宋恢

賀祠雙柏

清胡文學

游仙廟

康熙鄞縣誌

賀祕監遺書

目錄

十四四明叢書

約園刊本

游仙廟記

明葛世振

賀成廟

光緒鄞縣志

賀成廟碑

并詩

明周容

重修賀成廟記

清董沛

賀成廟

明盧鎮

前題

明錢光紳

湖亭廟

光緒鄞縣志

以上鄞縣

詩巢

嘉慶山陰縣志

以上山陰今爲紹興縣

賀監祠

會稽縣志

賀監祠頌

宋 諸葛興

賀知章祠

宋 王十朋

以上會稽今爲紹興縣

二賢祠

大清一統志

登太白酒樓記

宋 劉 楚

秦蜀驛程後記

清 王士禎

以上濟寧

賀祕監遺書

目錄

十五 四明叢書
約園刊本

辨異

里貫

蕭山縣志刊誤三則

清 毛奇齡

全浙詩話二則

清 陶元藻

乾隆鄞縣志一則

清 錢大昕

雍正寧波府志一則

清 曹秉仁

咸豐鄞縣志一則

清 周道遵

四明談助一則

清 徐兆昺

任城令

李太白外記一則

清王琦

朝英集

乾隆鄞縣志一則

清錢大昕

會稽掇英總集

清陸心源

羣書校補一則

丹山圖詠注

四明山志一則

清黃宗羲

賀監長子名

光緒鄞縣志一則

清徐時棟

賀祕監遺著

目錄

十六 四明叢書
約圖刊本

賀祕監集

遺書一

唐四明狂客賀知章撰

後學慈谿馮貞羣
張壽鏞同編

詩

開元十三年禪社首山祭地祇樂章

迎神用順和

至哉含柔德萬物資以生常一作恆順稱厚載流謙通變

盈聖心事能察層廟一作增廣陳厥誠黃祇儼一作優如在泰

圻俟咸亨

賀祕監集

一四明叢書
約園刊本

皇帝行用太和

肅我成命於昭黃祇裘冕而祀陟降在斯五音克備八

變聿施緝熙肆靖厥心匪離

登歌奠玉帛用肅和

黃祇是祇我其夙夜夤畏誠潔匪違寧舍禮以琮玉薦

厥茅藉念茲降康胡寧克暇

迎俎入用雍和

夙夜宥密不敢寧宴五齊既陳八音在縣粢盛以潔房

俎斯薦惟一作明德惟馨尙茲克徧

皇帝酌獻用壽和

惟以明發有懷載殷樂盈而反禮順其禋立清以獻薦
欲是親於穆不已哀對斯臻

皇帝飲福用福和

穆穆天子告成岱宗大裘如濡執珽有顛樂以平志禮
以和容上帝臨我云胡肅邕

皇帝還宮用太和

昭昭有唐天俾一作萬國列祖應命四宗順則申錫無

疆宗我同德曾孫繼緒享神配極以上舊唐書音樂志

賀祕監集

一一四明叢書
約園刊本

壽甯案康熙鄞縣志賀監著有祭地祇樂章八首用
上者舊詩因之此後列送神用靈具醉詩一章考舊
唐書此爲源乾曜作者唐文粹樂府詩集
皆同而四明詩幹仍承其誤爲表出之

奉和御製春臺望

青陽布王道玄覽陶真性欣若天下春高逾域中聖神
皋類觀賞帝里如縣鏡繚繞八川浮岿堯雙闕映曉色
徧昭陽晴雲卷豫一作章華滋的爍丹青樹顛氣氤氳

金玉堂尙有靈蛇下廊時還徵瑞寶入陳倉自昔秦奢
漢窮武後庭萬餘宮百數旗迴五丈殿千門連綿南墜
出西垣廣畫螭蛾華一作窈窕羅生玳瑁象崑崙迺睠

大情興隱恤古來土木良非一荆臨章觀一作華趙叢臺

何如堯階將馬室層欄窳窳下龍輿清管逶迤半綺疏

一聽南風引鸞舞長謠北極仰鶉居文苑英華一百七十四卷

春臺望 御製

暇景屬三春高堂一作臺聊四望目極千里際山川一

何壯太華見重巖終南分疊嶂郊原紛綺錯參差多

異狀佳氣滿通溝遲步入綺樓初鶯一一鳴紅樹歸

雁雙雙一作遲遲去綠州一作洲太液池中下黃鶴昆明水

上映牽牛聞道漢家全盛日別館離宮趣非一甘泉

賀祕監集

二四明叢書
約園刊本

遲一作透迤互明光五柞連延接未央周廬微道縱橫

轉飛閣迴軒左右長須念作勞居者逸勿言我一作身

後焉能恤爲想雄豪壯柏梁何如陋儉一作儉陋卑茅室

陽烏黯黯向山沈夕鳥喧喧入上林薄暮賞餘迴步

輦還念中人罷百金文苑英華一百七十四卷

望人家桃一本下有李字花

山源夜雨度仙家朝發東園桃李花桃花紅兮一作矣李

花白照灼城隅復南陌南陌青樓十二重春風桃李誰

爲一作誰容棄置千金輕不顧踟躕五馬謝相逢徒言南

國容華晚遂歎西家飄落遠的皜長春一作奉明光殿氤

氤半入披香苑苑裏一作中珍木元自奇黃金作葉白銀

枝千年萬歲不凋落還將桃李更相宜桃李從來露井

傍成蹊結影矜豔陽莫道春光一作花不可樹會持仙實

薦一作君君王文苑英華三百二十一卷

曉發

江皋聞曙鐘輕棹理還舸疑海潮夜約約川露晨溶溶

如一作始見沙上鳥猶霾一作埋雲外峯故鄉渺一作杳無際

明發懷朋從文苑英華二百九十一卷唐文粹唐詩紀事並作絕句云故鄉杳無際江皋聞曙

賀祕監集

約園刊本

鐘始見沙上鳥
猶埋雲外峯

送人之軍中文苑英華作送軍中

常經絕脈塞復見斷腸流送子成今別令人起昔愁隴

雲晴半雨邊草夏先秋萬里長城寄無貽漢一作故國憂

國秀集

奉和聖製送張說巡邊

荒憬一作境盡懷忠梯航已自通九攻雖不戰五月尙持

戎遣戍徵周牒恢一作臨邊垂一作重漢功撰一作選車命元

宰授律取文雄胃出天弧上謀成帝幄中詔旗分夏物

專討

一作土
又作謝

錫唐弓帳宿伊川

一作生

右鉦傳

一作吹

晉苑

東甕人籍

一作籍

黃實樂正理絲桐歧陌涵餘雨離川照

晚一作曉

虹蒸聞詠方叔千載舞皇風

送張說巡邊

御製

端拱復垂裳長懷御遠方股肱申教義戈劍靖

一作靜

要荒命將綏邊服雄圖出廟堂三台入武帳八座起

文昌寶

一作瑶

胄匡韓

一作朝

主華宗輔漢王茂先慙博

物平子謝文章盡節恢時佐輸誠禦寇場三軍臨朔

野駟馬卽戎行鼓吹威夷狄旌軒溢

一作益

洛陽雲臺

賀祕監集

五

四明叢書

約園刊本

先著美今日更貽芳

壽鏞案張說之巡邊唐玄宗御製詩送之一時屬和者有張說源乾曜張嘉貞宋璟盧從愿許景光韓休徐知仁崔禹錫胡皓王翰崔泰之王丘蘇晉王光庭袁暉席豫張九齡徐堅崔日用并賀祕監凡二十一

人賈曾序之見說之集及文苑英華殆卽唐書藝文志所謂朝英集者耶又案唐藝文志別有崔沔送行詩爲英華所未收

奉和聖製集賢書院成送張說上集賢學士賜宴

賦得謨字

西學垂玄覽東堂發聖謨天光燭武殿時宰集鴻都枯

朽霜皇澤翮飛舞帝

一作碧

梧跡同遊汗漫榮是出泥

一作

拔汗塗三歎承湯鼎千歡接舜壺微軀不可答空欲詠依蒲

集賢書院成送張說上集賢學士賜宴賦得珍

字御製

廣學開書院

一作殿

崇儒引席珍集賢招

一作昭

袞職論

道命台臣禮樂沿今古文章革舊新獻酬尊俎列賓

主位班陳節變雲初夏時移氣尙春所希

一作新稀

光史

冊千載仰茲晨

壽鏞案右詩題以珍輝迎昇茲西迴虛催登私謨今寶風筵蓮華一十八字玄宗自賦珍字命張說源乾

寶祕監集

六四明叢書

約園刊本

曜裴淮蘇頌韋抗程行誨徐堅李陽蕭嵩李元紘賀知章陸堅劉昇褚琇王翰趙冬曦韋述諸臣分賦張九齡爲之序見文苑英華張說之集

偶遊主人園

文苑英華作題袁氏別業

主人不相識偶坐爲林泉莫謾愁酤酒囊中自有錢國

集

董孝子黯復讎

十年心事苦惟爲復恩仇兩意旣已盡碧山吾白頭

純德

彙編

同鄉偶書

一作同鄉偶成

離別家鄉歲月多近來人事半銷磨惟有門前鏡一作鑑

湖水春風不減一作改舊時波

其二

幼一作少小離家一作鄉老大回鄉音難一作無改面毛鬚一作

鬢一作衰又兒一作家童相見不相識卻一作笑問客從何

處來以上侯

采蓮曲

稽山罷一作雲霧鬱嵯峨鏡水無風也自波莫言春度芳

菲盡別有中流採芰荷文苑英華

興祕監集

七四明叢書
約園刊本

答朝士

銀鏤一作鏤銀盤盛蛤蜊鏡湖蓴菜亂如絲鄉曲近來佳

此味遮渠不道是男一作吳兒雲溪友議

和作

顧況

銀鏤銀盤盛炒蝦鏡湖蓴菜亂如麻漢兒女嫁吳兒

婦吳兒盡是漢兒爺同上

柳枝詞一作詠柳

碧玉裝成一作妝一樹高萬條垂下綠絲絲不知細葉誰

裁出二月春風似剪刀才調集

句

落花真好些一醉一回顛詩式

文

上封禪儀注奏

昊天上帝君位五方時新唐書作精

帝臣位帝號雖同而君

臣異位陛下享君位於山上羣臣祀臣位於山下誠足

以垂範來葉為變禮之大者也禮成於三初獻亞終合

於一處舊唐書禮儀志

唐龍瑞宮記

韻祕監集

八四明叢書

約園刊本

宮自黃帝建候神館宋尙書孔靈產入道奏改懷仙館

神龍元年再置開元二年敕葉天師醮龍現敕改龍瑞

官管山界至東秦皇酒甕射的□西山有山南望海玉

笥香爐峯北禹陵由射的潭五□□□白鶴山淘砂徑

茗□宮山□□潭葑田茨池□洞天第十名天帝陽明

紫府真仙會處黃帝藏書□□□闕□□□□禹至闕

得書洽水□禹之下闕全唐文參兩浙金石志

近日帖一作東陽帖

近日東陽絕無書問憂心何可言想足下當盡能致汝帖

敬和帖

敬和在彼尙未議遂增耿耿同上

隔日帖

隔日不面懸遲何極計足下須人兼具此等事勢速令

垂報也同上

事宜帖

以諸人不至今日自當得口事宜諸人何爲不報也國

老題寶真齋法書贊

湖東帖

寶秘監集

九四明鼓書

約園刊本

湖東只因種蓮四十步閒遂不生口豈不相宜耶菓珍

紫萼適我願也知口下稍止赤精服七八過嘉泰會稽志

唐故和州刺史吳郡張公無擇墓銘

鍾英句章才敏德芳擢科膺仕聲聞孔彰贊謀討亂偉績斯光抗疏雪枉人嫉其剛牧彼南邦矯矯皜皜忠移於孝迪篤子道天發其祥靈液奇草茲惟其藏永世是

保光緒慈谿縣志

唐故朝議大夫給事申上柱國戴府君墓誌銘州

序

府君諱令言字應之本譙郡譙人也自微子啓宋樂甫
匡周垂裕後昆代載厥德聖公漢之銅竹若思晉之牙
爪初自九江東介因徙吳興武原迨府君大父爲湘鄉
令而寓居長沙故今爲郡人也曾祖儼陳南臺侍御史
南康王國侍郎祖集隋衡陽王國侍郎轉湘鄉令父開
皇朝明禮授文林郎代積儒素專門禮學侍御之風格
侍郎之敏惠竝秉靈江漢流聞湘潭隕祉義和實鍾秀
傑府君生而岐嶷宗黨欣慶甫及數歲有若成童垂髫
能誦離騷及靈光江海諸賦難字異音訪對不竭由是

翼秘監集

十四明叢書
約園刊本

鄉人皆號曰先生敬而不名也年十四而容體魁岸性
頗俠烈每自稱曰吾不能爲小人儒好投壺挽強擊刺
雖江鄉耆宿郭解季心之徒咸敬憚焉十五首讀兩漢
遂慨慷慕古手不釋卷未盈五旬咸誦於口十七便歷
覽羣籍尤好異書至於算曆卜筮無所不曉味老莊道
流蓄長往之願不屑塵物州鄉初以孝秀相屈府君傲
然便曰大丈夫非降玄纁不能詣京師豈復碌碌從時
輩也旣家近湘渚地多形勝每至熙春芳煦凜秋高節
攜琴命酌棹川藉野貴遊牧守雖懸榻入舟不肯降志

天授歲爰降絲綸來旌巖穴府君乃飭躬應召謁見金馬夫出處者君子之大節進退者達識之能事天地閉而賢隱王塗亨而代工懿哉若人有足尙者自是時論推美屢紆延辟而府君素尙難抉猶懷江湖因著孤鶴操以見志名流高節者多和之爾後復歸江潭涉五六載重下明制令馳傳入口於是進對宣室不言溫樹解褐授右拾遺屢竭忠諫成輒削橐外莫之知爰除口補闕府君志求閑退朝廷使宰長社字人有聲邑氓頌德爲廉察者所薦璽書慰勉景雲歲皇帝龍興重張寰寓

賀祕監集

十一四明叢書

約園刊本

俄有恩命拜左臺侍御史任氣強直不避權右求出莅人因轉爲三原令郊野之富鄭白之沃人安物阜勩尤王畿遷起居郎韞墳典之精有南董之直密謀歲益便宜日奏固非所聞也俄遷庫部郎用爲水陸運使蕭何之餉關中鄧禹之發河內旣筋在帝念遙授給事中而身居洛陽未拜雲陛方當調茲湯鼎克享虞庠天弗輔仁奄歸長夜以開元二年歲次甲寅正月廿日終於洛陽垂教里之私第春秋五十有六夫人吳郡張氏早孀令族夙有風懿舉案皋廡驚轍柴門爰在長沙奄先朝

露以其年十二月甲寅朔七日庚申合葬於洛陽清風
鄉之原禮也後夫人潁川韓氏亦庇壘陰有子乘陽等
四人樂容藁兒哀毀骨立嗚呼戴侯今不亡矣故人識
之畝作銘曰

橘洲浮兮昭潭無底沙如雪兮泉味猶醴楚人秀兮地
靈所啓旌弓招兮載筆雲陛餉饋給兮含香建禮彼君
子兮如王之玼人之亡兮潛焉出涕彼達人兮何必故
鄉樹枌欂兮封茲北邙篆幽石兮誌夫陰堂歲道盡兮
煙野微茫

賀祕監外紀卷一

遺書二之一

後學燕谿馮貞羣
後學鄭張壽鏞同編

制

授起居郎制 開元四年八月

唐玄宗

勅朝議郎一作大夫前行戶部員外郎賀知章業優詞學時

重才行稟精微之高妙體仁恕以明達必能書法不隱

立言可觀宜迴職於版圖佇擅聲於鉛筆可行起居郎

散官如故

貞羣案右制出蘇頌手筆見文苑英華三百八十三
卷卽嘉泰會稽志所載碑刻賀知章二告之二爲開

賀祕監外紀卷一

四明叢書
約園刊本

元四年八月起居郎者是也 又案會稽志云二告
舊在天長觀今徙置府學輿地紀勝並著錄之其一

爲延和元年八月加階告四門
助教擬宣義郎今訪不可得

授太子賓客銀青光祿大夫兼正授祕書監制 開元

二十六
年六月

唐玄宗

門下調護儲宮典司延閣必在舉德固無虛授慶王侍

讀銀青光祿大夫祕書監員外一作陪置同正員賀知

章等一無等字衣冠耆舊詞學宗師或一無恬淡風流獨擅

東南之美或一無清貞介特足一作稱江漢之英負當

朝之令名有錫類之純行一作令教導久待藩維善

利則多寵章宜及方之四老用列賢朋一作友之任一作盛

綜彼三墳俾在圖書之府可依前件

高備策右制孫述之辭也
見文苑英華四百三卷

賜歸鄉里拜其子典設郎曾子為朝散大夫本郡

司馬以伸侍養制 天寶二年 唐玄宗

卿儒才舊素德著老成方欲乞言以光東序而乃高蹈
世表歸心妙門雖雅意難違良深耿歎眷言離祖是用
贈詩宜保松喬慎行李也兒子等常所執經故令親別
尊師之義何以謝焉仍拜其子典設郎曾子為朝散大

寶祿監外紀 卷一 二 四明叢書 約園刊本

夫本郡司馬以伸侍養

贈禮部尚書制 乾元元年十二月 唐肅宗

故越州千秋觀道士賀知章器識夷淡襟懷和雅神清
志逸學富才雄挺會稽之美箭蘊崑岡之良玉故飛名
仙省侍講龍樓常靜默以養閒因談諧而諷諫以暮齒
辭祿一作拜榮再見款誠願追二者之奇蹤克遂四明之狂
客允協初志脫落朝衣駕青牛而不還狎白衣而長往
丹壑非昔人琴兩亡惟舊之懷有深追悼宜加緝禮式

展哀榮可贈禮部尚書

像

逸老堂畫像石刻



寶祕監外紀卷一

古聖賢像傳略像

清顧沅

三十四明叢書
約園刊本

聖

賢

像

傳



於越先賢傳像

清仁熊



唐禮部尚書賀公知章

西三監外紀卷一

西四明後書
新國陳林

贊

賀祕監贊

唐玄宗

禮學之司文章之苑學優藝博才思高遠

會稽先賢祠傳贊

列仙之儒
并序

宋史浩

唐祕書監賀公

祕監字季真諱知章會稽永

興人性曠夷善譚說與族姑子陸象先善象先

嘗謂人曰季真清談風流吾一日不見則鄙吝

生矣擢進士超拔羣類科仕至祕書監晚自號

四明狂客每醉輒屬辭筆不停書咸有可觀天

寶初病夢游帝居數日寤乃請爲道士還鄉里
詔許之以宅爲千秋觀而居又乞周官湖數頃
爲放生池有許鼎者撰通和先生祖貫碑云賀
監得攝生之妙負笈賣藥數百年不死後於天
台昇仙當元和間通和嘗遇之授斷穀丹經云
事載唐書隱逸
傳及高道傳 贊曰

天寶諸公衮袞臺省黃冠告歸矣止官冷鏡湖之宮煙
水千頃尙想先生月落酒醒

貞羣案嘉泰會稽志云會稽縣千秋觀乾道四年八月安撫使史丞相浩奏移天長觀舊額建其中爲三

賀祕監外紀 卷一

五 四明叢書

約園刊本

清殿兩廡分享前代高士東廡曰高尙之士西廡曰列仙之儒凡四十一人故俗謂之先賢堂

四明十二先生贊 石窗賀公先生

宋 史 浩

道旣不逢去當勇決野服黃冠孰能羈紲鄞水煙波鏡
湖風月高標凜凜濯世執熱

逸老堂賀祕監畫像贊

宋 吳 潛

山林之士去不可挽市朝之士出不知返矯矯先生高
眇遠視可仕則仕可止則止粵惟二疏輔導漢元作其
卽位旋以飄然粵惟先生師傳唐肅太陽未升去之已

速前疏後賀夫豈不情知幾識微以全令名狂非真狂
醉非真醉詩侶酒徒亦復爾爾四明之陽月白山空平
湖萬頃今古清風

壽鏞案右畫像贊刻在重建逸老
堂之碑陰今移在月湖賀祕監祠

四明先賢賀先生知章贊

明黃潤五

夢遊紫府蟬蛻禁林風月鴈詠雲水身心李仙夜郎杜

老西蜀賢哉先生鑑湖一曲

於越先賢像傳贊 唐禮部尚書賀公

清王齡

賀祕監外紀卷一

七八四明叢書
約園刊本

天寶清晏拂衣歸廬知機肥遯豈翳純鱸東門祖帳榮
邁二疏修靈浩蕩千載賀湖

壽鏞案傳採
唐書故不錄

傳

舊唐書文苑傳

晉劉响

賀知章會稽永興人太子洗馬德仁之族孫也少以文
詞知名舉進士初授國子四門博士又遷太常博士皆
陸象先在中書引薦也開元十年兵部尚書張說爲麗
正殿修書使奏請知章及祕書員外監徐堅監察御史

趙冬曦皆入書院同撰六典及文纂等累年書竟不就
後轉太常少卿十三年遷禮部侍郎加集賢院學士又
充皇太子侍讀是歲玄宗封東嶽有詔應行從羣臣並
留於谷口上獨與宰臣及外壇行事官登於嶽上齋宮
之所初上以靈山清潔不欲喧繁召知章講定儀注因
奏曰昊天上帝君位五方諸帝臣位帝號雖同而君臣
異位陛下享君位於山上羣臣祀臣位於山下誠足垂
範來葉爲變禮之大者也然禮成於三獻初亞終合於
一處上曰朕正欲如是故問卿耳於是敕三獻於山上

寶祕監外紀卷一

七

四明叢書
約園刊本

行事五方帝及諸神座於下壇行事俄屬惠文太子薨
有詔禮部選挽郎知章取舍非允爲門蔭子弟喧訴盈
庭知章於是以梯登牆首出決事時人咸嗤之由是改
授工部侍郎兼祕書監同正員依舊充集賢院學士俄
遷太子賓客銀青光祿大夫兼正授祕書監知章性放
曠善談笑當時賢達皆傾慕之工部尙書陸象先卽知
章之族姑子也與知章甚相親善象先常謂人曰賀兄
言論倜儻真可謂風流之士吾與子弟離闊都不思之
一日不見賀兄則鄙吝生矣知章晚年尤加縱誕無復

規檢自號四明狂客又稱祕書外監遨遊里巷醉後屬
詞動成卷軸文不加點咸有可觀又善草隸書好事者
供其牋翰每紙不過數十字其傳寶之時有吳郡張旭
亦與知章相善旭善草書而好酒每醉後號呼狂走索
筆揮灑變化無窮若有神助時人號爲張顛天寶三載
知章因病恍惚乃上疏請度爲道士來還鄉里仍舍本
鄉宅爲觀上許之仍拜其子典設郎曾爲會稽郡司馬
仍令侍養御制詩以贈行皇太子已下成就執別至鄉
無幾壽終年八十六肅宗以侍讀之舊乾元元年十一

寶祕監外紀卷一

八四明叢書
約園刊本

月詔曰故越州千秋觀道士賀知章器識夷淡襟懷和
雅神清志逸學富才雄挺會稽之美箭蘊崑岡之良玉
故飛名仙省侍講龍樓常靜默以養閒因談諧而諷諫
以暮齒辭祿再見款誠願追二老之蹤克遂四明之客
允協初志脫落朝衣駕青牛而不還狎白衣而長往丹
壑非昔人琴兩亡惟舊之懷有深追悼宜加緼禮式展
哀榮可贈禮部尙書先是神龍中知章與越州賀朝萬
齊融揚州張若虛邢巨湖州包融俱以吳越之士文詞
俊秀名揚於上京朝萬止山陰尉齊融崑山令若虛充

州兵曹巨監察御史融遇張九齡引爲懷州司戶集賢直學士數子人間往往傳其文獨知章最貴神龍中有尉氏李登之善五言詩蹉跌不偶六十餘爲宋州參軍卒

壽鏞案乾隆浙江通志傳本此不錄又案全唐詩文小傳皆節采此傳

新唐書隱逸傳

宋 祁

賀知章字季真越州永興人性曠夷善談說與族姑子陸象先善象先嘗謂人曰季真清談風流吾一日不見則鄙吝生矣證聖初擢進士超拔羣類科累遷太常博

賀祕監外紀卷一

九 四明叢書

約開刊本

士張說爲麗正殿修書使表知章及徐堅趙冬曦入院撰六典等書累年無功開元十三年遷禮部侍郎兼集賢院學士一日併謝宰相源乾曜語說曰賀公兩命之榮足爲光寵然學士侍郎孰爲美說曰侍郎衣冠之選然要爲具員吏學士懷先王之道經緯之文然後處之此其爲閒也玄宗自爲贊賜之遷太子右庶子充侍讀申王薨詔選挽郎而知章取舍不平蔭子喧訴不能止知章梯牆出首以決事人皆靳之坐徙工部肅宗爲太子知章遷賓客授祕書監而左補闕薛令之兼侍讀時

東宮官積年不遷令之書壁望禮之薄帝見復題聽白
安者令之卽棄官徒步歸鄉里知章晚節尤誕放遨嬉
里巷自號四明狂客及祕書外監每醉輒屬辭筆不停
書咸有可觀未始刊飭善草隸好事者具筆研從之意
有所愜不復拒然紙纒十數字世傳以爲寶天寶初病
夢遊帝居數日寤乃請爲道士還鄉里詔許之以宅爲
千秋觀而居又求周官湖數頃爲放生池有詔賜鏡湖
剡川一曲旣行帝賜詩皇太子百官餞送擢其子曾子
爲會稽郡司馬賜緋魚使侍養幼子亦聽爲道士卒年
八十六肅宗乾元初以雅舊贈禮部尙書令之長谿人
肅宗亦以舊恩召而令之已前卒

壽鑑案嘉泰會稽志寶慶延祐四明志嘉靖寧波府志康熙浙江通志乾隆紹興府志均采此傳 又案元辛文房節此傳文爲唐才子傳

雍正寧波府志傳

清 曹秉仁

唐賀知章字季眞證聖間擢進士超拔羣類科累遷太
常博士開元十年同徐堅等入麗政殿撰大典及文纂
十三年遷禮部侍郎兼集賢院學士一日併謝時稱兩
命之榮又充皇太子侍讀是歲有事東封召知章講定

儀注賜宴分韻賦詩詩成明皇用五色牋親書八分作贊賜知章云禮樂之司文章之苑學優藝博才思高遠及從祀以玉牒祕文諷對遷太子賓客兼祕書監性放曠善談笑賢達皆傾慕之每醉輒屬詞筆不停書工草隸好事者具筆硯從之意有所愜不復拒世傳以爲寶長安紫極宮遇李白讀其詩曰子謫仙人也取金龜換酒爲樂薦白供奉翰林晚年縱誕自號四明狂客又稱祕書外監天寶三載託夢遊帝居疏稱度爲道士求還鄉里捨會稽行宅爲千秋觀以居詔許之賜鏡湖剡川

賀祕監外紀 卷一

十一

四明叢書
約園刊本

一曲擢其子典設郎曾爲會稽郡司馬賜緋魚仍令侍養命皇太子以下青門餞別御製贈行詩以寵之卒年八十六肅宗以侍講之舊詔贈禮部尙書

康熙鄞縣志傳

清
聞性道

賀知章字季真號石窗生鄭之響巖山今名高尚宅證聖間擢進士超羣拔類科初令任城累遷太常博士開元十年同徐堅等入麗政殿撰六典及文纂十三年遷禮部侍郎加集賢院學士又充皇太子侍讀兩命之榮爲宰相源乾曜張說所誇稱是歲舉祀東封召定儀注

賜宴分韻賦詩詩成帝用五色箋親書八分賜贊云禮樂之司文章之苑學優藝博才思高遠及東封從祀以玉牒祕文諷對遷太子賓客兼祕書監知章性放曠工草書善談笑賢達皆傾慕之姑子陸象先嘗謂人曰賀兄言論倜儻真風流之士一日不見則鄙吝生矣李泌少時一見輒曰孺子目如秋水神仙中人也當一拜卿相長安紫極宮遇李白讀其詩曰子謫仙人也解金龜換酒爲樂薦白供奉翰林晚年縱誕自號四明狂客又稱祕書外監天寶初託夢遊帝居疏請度爲道士求還鄉里捨會稽行宅爲千秋觀以居詔許之求周官湖爲放生池賜鏡湖剡川一曲官其子典設郎曾爲會稽郡司馬仍令侍養命皇太子而下青門餞別御製詩贈行其序云天寶三載太子賓客賀知章鑒知止之分抗歸老之疏解組辭榮志期入道朕以其年在遲暮用循挂冠之例俾遂赤松之遊正月五日將歸會稽遂餞東路乃命六卿庶尹大夫供帳青門寵行邁也豈惟崇德尙齒抑亦勵俗勸人無令二疏獨光漢冊迺賦詩贈行詩曰遺樂期入道投老竟抽簪豈不惜賢達其如高尚心

寰中得祕要方外散幽襟獨有青門餞羣英悵別深又
云筵開百壺餞詔許二疏歸仙記題金錄朝章換羽衣
悄然承睿藻行路滿光輝一時應制奉和者眾卒年八
十有六肅宗以侍讀之舊乾元元年十一月詔曰故越
州千秋觀道士賀知章器識夷淡襟懷和雅神清志逸
學富才雄挺會稽之美箭蘊崑岡之良玉故飛名仙省
侍講龍樓嘗靜默以養閒因談諧而諷諫以暮齒辭祿
再見款誠願追二老之蹤克遂四明之客允協初志脫
落朝衣駕青牛而不還狎白衣而長往丹壑非昔人琴

賀祕監外紀 卷一

十三 四明叢書
約園刊本

兩亡惟舊之懷有深追悼宜加緼禮式展哀榮可贈禮
部尚書劉昫舊唐書入文苑傳宋祁新唐書入隱逸傳

壽鏞案咸豐鄞縣志蔣學鏞鄞志稿俱節采此傳
又按傳中錄玄字賄行詩第二首亦仍計有功之誤

光緒鄞縣志傳

清 徐時棟

賀知章字季真少以文詞知名性放夷善談笑賢達傾
慕與族姑子陸象先善象先嘗語人曰吾一日不見季
真則鄙吝生矣證聖初擢進士超羣拔類科初授國子
四門博士遷太常博士戶部員外郎行起居郎祕書少
監開元十年兵部尚書張說爲麗正殿修書使奏請知

章及祕書員外監徐堅監察御史趙冬曦皆入書院同撰六典及文纂等書踰年爲直學士轉太常少卿十三年遷禮部侍郎加集賢院學士一日併謝宰相源乾曜語張說曰賀公兩命之榮足爲光寵玄宗自爲贊賜之遷太子右庶子充侍讀是歲封東嶽召知章講定儀注因奏曰昊天上帝君位五方諸帝臣位帝號雖同而君臣異位陛下享君位於山上羣臣祀臣位於山下誠足以垂範來葉爲變禮之大者也禮成於三初獻亞獻終獻合於一處上曰朕正欲如是故問卿耳俄屬惠文太

寶祕監外紀卷一

十四四明叢書

約園刊本

子薨詔選挽郎而知章取舍不平蔭子喧訴不能止由是改授工部侍郎兼祕書監同正員依舊充集賢院學士帝方寢喜神仙之事詔道士司馬承禎製元真道曲茅山道士李會元製大羅天曲知章製紫清上聖道曲肅宗爲太子知章授賓客銀青光祿大夫兼正授祕書監累年不遷張九齡罷相於朝中謂曰九齡多事竟不得與公遷轉以此爲恨知章晚節尤誕放遨嬉里巷自號四明狂客及祕書外監與李適之汝陽王璿崔宗之蘇晉張旭焦遂李白酒八仙人白初自蜀至京師舍

於逆旅知章聞其名首訪之請所爲文白出蜀道難以示讀未竟稱歎數四號爲謫仙人白酷好酒知章因解金龜換酒與白盡醉又見其烏棲曲曰此可以泣鬼神矣知章醉後屬辭動成篇卷文不加點咸有可觀慈草隸好事者具筆研從之意有所愜不復拒然紙纔十數字世傳以爲寶天寶二載十二月知章因病夢遊帝居數日寤乃上疏辭官乞以父子入道俱還故鄉上許之拜其子典設郎曾爲會稽郡司馬令侍養幼子亦聽爲道士三載正月庚子_{世宗}與相以下祖別於長樂坡皇

賀祕監外紀 卷一

十五 四明叢書

約園刊本

太子餞送上賦詩贈之至鄉無幾壽終年八十六肅宗以侍讀之舊乾元元年十一月詔曰故千秋觀道士賀知章器識夷淡襟懷和雅神清志逸學富才雄挺會稽之美箭蘊崑岡之良玉故飛名仙省侍講龍樓常靜默以養閒因談諧而諷諫以暮齒辭祿再見款誠願追二老之蹤克遂四明之客尤協初志脫落朝衣駕青牛而不還狎白衣而長往丹壑非昔人琴兩亡惟舊之懷有深追悼宜加緼禮式展哀榮可贈禮部尙書

甬上耆舊詩傳

清

李鄴嗣

禮部尙書賀先生知章字季真行八生小谿之響巖證
聖初中進士超羣拔類科初授國子四門博士歷遷禮
部侍郎兼集賢院學士一日併謝時稱兩命之榮又充
皇太子侍讀正授祕書監開元中從封東嶽奏定儀注
先生性放曠善談笑自號四明狂客又稱祕書外監每
醉輒屬詞筆不加點俱斐然可觀爲學士時每與人燕
語好事者輒隨筆鈔記俱堪參詠天寶三載因病疏請
度爲道士放還鄉里上許之仍拜其子典設郎曾爲會
稽郡司馬使得侍養御製詩以寵行皇太子以下咸就

賀祕監外紀

卷一

十六四明叢書

約園刊本

執別先生歸後築室四明之鹿亭樊榭時往來稽山卒
年八十六葬於會稽肅宗以侍讀之舊贈禮部尙書初
神龍中先生與越中賀朝萬齊融揚州張若虛邢巨湖
州包融俱以吳越之士名揚上京人間往往傳其文獨
先生最貴晚年李杜二公益相推重奉先生爲宿老此
所以名冠一代詞人之首也自後稱四明輒曰賀監舊
山川蓋詩人名重本朝未有過先生者

史家稱唐中葉將相有功帝室惟鄴侯郭汾陽先生之
識鄴侯李翰林之識郭汾陽此豈當時詩人所能及耶

逸事

大唐新語三則

唐劉肅

開元十三年玄宗既封禪問賀知章曰前代帝王何故祕玉牒之文知章對曰玉牒本通神明之意前代帝王所求各異或禱年算或求神僊其事微密故外人莫知之玄宗曰朕今此行皆爲蒼生祈福更無私請宜將玉牒示百寮

玄宗將東封語張說徐堅賀知章韋縉康子元等撰東封儀

賀祕監外紀卷一

七四明叢書
約園刊本

貞羣案右二則爲劉昫采入舊唐書禮儀志

賀知章自大常少卿遷禮部侍郎兼集賢學士一日併謝二恩時源乾曜與張說同秉政乾曜問說曰賀公久著盛名今日一時兩加榮命足爲學者光耀然學士與侍郎何者爲美說對曰侍郎自皇朝已來爲衣冠之華選自非望實具美無以居之雖然終是具員之英又非往賢所慕學士者懷先王之道爲縉紳軌儀蘊揚班之詞兼游夏之文學始可處之無愧二美之中此爲最矣

貞羣案是事爲宋祁采入新唐書本傳諸多節刪

封氏聞見記一則

唐封演

賀知章爲祕書監累年不遷張九齡罷相於朝中謂賀曰九齡多事竟不得與公遷轉以此爲恨賀素該諧應聲答曰知章蒙相公庇蔭不少張曰有何相庇賀曰自相公在朝堂無人敢罵知章作獠罷相以來爾汝單字稍稍還動九齡大慚

燕言一則

唐王定保

李太白始自西蜀至京名未甚振因以所業贄謁賀知章知章覽蜀道難一篇揚眉謂之曰公非人世之人可

賀祕監外紀卷一

十八四明叢書
約園刊本

不是太白星精耶

本事詩一則

唐孟棻

李太白初自蜀至京師舍於逆旅賀監知章聞其名首訪之既奇其姿復請所爲文出蜀道難以示之讀未竟稱歎者數四號爲謫仙解金龜換酒與傾盡醉期不閒日由是聲譽光赫賀又見其烏棲曲歎賞苦吟曰此詩可以泣鬼神矣

雲溪友議一則

唐范攄

賀祕監顧著作吳越人也朝英慕其機捷競嘲之乃謂

南金復生中土也每在班行不妄言笑賀知章曰銀鑊銀盤盛蛤蜊鏡湖蓴菜亂如絲鄉曲近來佳比味遮渠不道是男兒顧況和曰銀鑊銀盤盛炒蝦鏡湖蓴菜亂如麻漢兒女嫁吳兒婦吳兒盡是漢兒爺

獨異志一則

唐李尤

唐賀知章會稽永興人進士擢第太常少卿祕書監爲太子諸王侍讀性落託放縱逸思過人年八十餘因醉賦詩問左右曰紙多少對曰有十幅乃書告老乞歸鄉里皇帝及皇太子諸王皆賦送行詩賜越中剡田以給

賀祕監外紀卷一

十九四明叢書
約園刊本

之

貞羣案李尤唐書藝文志作李尤未詳孰是

開天傳信記一則

唐鄭紫

賀知章祕書監有高名告老歸吳中上嘉重之每別優異焉知章將行涕泣辭上上曰何所欲知章曰臣有男未有定名幸陛下賜之歸爲鄉里榮上曰爲道之要莫若信乎孚者信也履信思乎順卿子必信順之人也宜名之曰孚知章再拜而受命知章久而謂人曰上何謔我耶我實吳人孚乃瓜下爲子豈非呼我兒爲瓜子耶

貞羣案此事又見卓
異記太平廣記采之

太平廣記一則

宋李昉

賀知章性放曠善談笑當時賢達咸傾慕陸象先卽知
章姑子也知章特相親善象先謂人曰賀兄言論調態
眞可謂風流之士晚年縱誕無復規檢自號四明狂客
醉後屬詞動成篇章文不加點咸有可觀又善草隸書
好事者共傳寶之請爲道士歸鄉捨宅爲觀上許之仍
拜子爲會稽郡司馬御製詩爲贈行

出談
賓錄

唐語林一則

宋王讜

藝文類聚卷一

二十四明叢書
約園刊本

賀監爲禮部侍郎時祁王贈制云惠昭太子補齋挽郎
賀大納苞苴爲豪子相率詬辱之吏遽掩門賀梯牆謂
曰諸君且散見說寧王亦甚慘澹矣

海錄碎事一則

宋葉廷珪

唐司馬承禎與陳子昂盧藏用宋之問王適畢構李白
孟浩然王維賀知章爲仙宗十友

嘉泰會稽志一則

宋施宿

賀氏齊之公族慶封之後漢有侍中慶純避安帝諱改
爲賀氏吳賀齊賀劭唐賀知章皆會稽人望出河南廣

平知章之後有鑄以詩文得名於元祐中自稱鑑湖遺老又有道士賀仲清者會稽人亦自言知章之後紹興中猶在

貞羣案賀鑄慶湖遺老詩集序曰賀本慶氏后稷之裔太伯始居吳至王僚遇公子光之弑王子慶忌挺身奔衛妻子遊度湖水隱會稽上越人哀之予湖澤之田俾擅其利表其族曰慶氏名其田曰慶湖今爲鏡湖傳訛也漢孝安帝時避帝本生諱改賀氏水亦號賀家湖馬家驥載謝承會稽先賢傳敘畧如此元和中林寶集著姓纂謂賀氏慶封之後案封劫專齊政田氏忠之聚三族甲環其宮而夷其族封僅身免走魯遷吳卒被屠戮其子孫是否猶有子遺者待攷也明凌迪知輯萬姓統譜及世所傳氏族大全均作齊公族慶父之後近是會稽志蓋承姓纂之說又案慶湖詩集序曰鑄十五代祖迺祕書外監之從祖

賀祕監外紀卷一

二

西明叢書約園刊本

弟諱知止官至陽穀令是篇爲祕監同族非本枝也

著述

鄭樵通志藝文畧

地理類

名山洞府

賀知章會稽洞記一卷

總集類

表章

賀知章入道記一卷

貞羣案藝文畧詩總集有賀監歸鄉詩集一卷殆卽朱子語錄所稱越州有石刻唐朝臣送賀知章詩會稽掇英集所錄是也又案唐書藝文志著錄朝英集三卷開元中張孝嵩出塞張九齡離休崔沔王翰胡皓賀知章所撰送行歌詩徐堅文府二十卷堅與賀知章趙冬曦分討堅先集詩賦二韻爲文府是二書者非一家之言附記於此

脫脫宋史藝文志

別集類 賀知章入道表一卷

無垢國史經籍志

地理類 名山 洞府 賀知章會稽洞記一卷

集類 表奏 賀知章入道表一卷

祁承燾澹生堂書目

集類 別集 唐 賀季真集 賀知章

張時徹嘉靖寧波府志藝文

賀知章著入道表一卷

賀知章外紀 卷一

曹秉仁雍正寧波府志藝文

賀知章纂文府二十卷朝英集三卷入道表一卷

閩性道康熙鄞縣志修辭攷

賀知章著開元禪社首祭地祇樂章八首雜詠一卷

還鄉集一卷浙東倡酬集一卷入道表龍瑞宮記丹

山詠釋纂文府二十卷朝英集三卷

錢大昕乾隆鄞縣志藝文

賀知章會稽洞記一卷 通志 藝文 畧 丹山圖詠釋 道藏 目錄 入

道表一卷 唐書 藝文 志 還鄉集一卷 閩志 文府二十卷 唐書 藝文

志知章與
徐堅等撰

周道遵咸豐鄞縣志藝文

賀知章會稽洞記一卷 通志藝文畧 丹山圖詠釋 道藏目錄入

道表 唐書藝文志 還鄉集一卷 閩志

徐時棟光緒鄞縣志藝文

賀知章會稽洞記一卷 通志藝文畧 丹山圖詠釋 道藏

目錄 敬止錄曰道藏中有丹山圖詠以明山名勝製爲二十四詩而記之木玄虛傳贊知章注與元道士毛承貞石田山房詩合爲一卷 入道表一卷 唐歸

則此詠此注亦承貞之流所爲也

鄉詩集一卷 通志藝文畧 文府二十卷 唐志知章與徐堅等撰

賀祕監外紀卷一

三三四明叢書

約園刊本

案唐書證聖初張說表知章及徐堅趙冬曦入院撰大典等祕監集一卷 徐與公書目

賀祕監外紀卷二

選書二之二

後學慈谿馮貞羣
後學鄞張壽鏞同編

酬贈詩

送賀祕監歸會稽詩

一作歸四明

唐玄宗

天寶三載太子賓客賀知章鑿於止足抗歸老
之疏解組辭榮志期入道朕以其夙存微尚年
在遲暮用修挂冠之事遂赤松之遊正月五
日將歸稽山遂餞東路乃命六卿庶尹三事大
夫供帳青門寵行邁也豈惟宗德尚齒亦將勵
俗勸人無令二疏獨光漢冊乃賦詩贈行凡預
茲宴宜皆屬和

賀祕監外紀卷二

四明叢書
約園內本

遺榮期入道辭老竟抽簪豈不惜賢達其如高尚心環
中得祕要方外散幽襟獨有青門篋羣公悵別深

唐李迺之

聖代全高尚玄風闡道微筵開百僚餞詔許一疏歸仙
記題金籙朝章換羽衣悄然承審藻行路滿光輝

唐李林甫

挂冠知止足豈獨漢疏賢人道求真侶辭榮訪列僊容

文舍日月宸翰動雲煙鶴駕吳鄉遠遙遙南斗邊

唐嗣許王瓌

官在朝中貴才傳海上名早年常好道晚歲更遺榮授
錄歸三洞還車謁四明東門詔送日揮淚盡羣英

唐襄信郡王璆

止足人高尚遺榮子獨前詣臺飛鳥日辭闕挂冠年象
服歸丹屐霓裳降紫天仙舟望不及朝野共推賢

唐席豫

南山四皓德東海二疏名功遂知退退心微覺道成霓

賀秘監外紀卷二

二四明叢書
約園刊本

光明主賜鶴駕列仙迎詔餞出中野朋歡留上京灞橋
春水溢稽嶺白雲生此去三千里那堪長別情

唐宋鼎

紫氣朝明主丹邱送老臣誰知探禹穴更有散金人陌
上神仙日城東梅柳春遙知歸隱處煙浪隔巖塵

唐郭虛己

白首輕軒冕黃冠重隱淪嚴陵垂釣日疏廣散金辰北
闕辭明主東門別故人以茲敦雅俗玄化盡歸真

唐李巖

遠節忘榮趣全真悟道微登朝四皓客辭老二疏歸望
主欽玄德台臣餞羽衣丹邱不可接鳧鳥幾時飛

唐
韋斌

抗情遺黻冕高步出氛埃橫海鴻飛遠登仙鶴語催希
微餘第宅恍惚視嬰孩桃實三千歲何當獻壽來

唐
李慎微

有客自言狂經書仕聖唐業尊傳帝子道妙寵君王厭
俗懷仙觀思遊憶故鄉公卿祖疏廣親戚送劉綱海上
波瀾急江干煙路長蓬萊不可見何處訪霓裳

贊祕監外紀 卷二

唐
韋堅

解印辭榮祿遊真奉德音贈行天藻下餞席上台臨遠
馭仙山鶴常懷帝里心無因同執袂相望但霑襟

唐
齊澣

君家在四明崇道復遺榮霓服辭丹禁天文詔玉京義
方延永錫真錄授長生舉手都門外白雲江上行

唐
崔璘

軒冕朝恩盛霓裳祖帳榮倏然謝時客高步尙遺名魏
闕駕行斷稽山鶴駕迎相期下鳧鳥謁帝會承明

唐梁涉

尚道遺朝紱從天降羽衣儲安四皓去榮足二疏歸垂
耀珠隨轉馳軒鶴送飛輕舟鏡湖上宸翰作光輝

唐王瑄

業盛王公秩名高絳老年遺榮謝珪組得志學神仙去
國風爲馭還鄉海作田何當曳鳧舄萬里更朝天

唐王瑀

父子承恩日遺榮拜職辰挂冠辭聖主佩印奉嚴親舉
代稱賢智當朝勸孝仁退歸將適越攀餞乃傾秦

韻祕監外紀卷二

四四明叢書

約園刊本

唐姚鶴

若非堯運及垂衣肯許巢由脫俗機太液始同黃鶴下
仙鄉已駕白雲歸還披舊褐辭金殿卻捧玄珠向翠微
羈束慙無仙藥分隨車空有夢魂飛

唐王鐸

詔許真人歸舊隱爲言海上憶孤峯宸庭暫別期千載
野服飄然出九重華表尙迷丁令鶴竹陂猶認葛仙龍
自憐弱羽塵埃重於此無由躡去蹤

唐何千里

錫鼎昇天幾萬春裔孫今復出
鬻塵姓名當繫上清籙
齒髮不知何代人暫應客星過世主旋歸吳市作遺民
遼東鶴駕忽飛去揮手無言辭紫宸

唐嚴都

廣成何必挂朝衣已奉玄珠佐萬機
還躡舊來鳧舄去

不將新賜鶴書歸

先生固辭寵祿竟追成命

暫憑風馭遊清禁終泛

仙槎出紫微今日漢庭因少別人間無限白雲飛

將離洛都

歷別公卿十數事其處皆有白雲起

唐嚴向

甄秘監外紀卷二

五十四明叢書約園刊本

孤雲去住本無機卻指蒼梧下翠微
錫鼎為傳仙族在
泛槎還入海煙歸客星一夜凌光武華表
千年送令威
聞道葛洪丹竈畔至今霜果有金衣

唐康璉

解綬申知足歸元道益眞離章垂睿作祖帳別羣臣
紫禁辭明主青谿訪羽人賞延忠孝著榮耀故鄉春

唐韓宗

遺老去朝行登眞返舊鄉軒車成羽駕纓綬換霓裳
明主懷江外羣公祖道旁青門有前事千載共輝光

唐 郭慎微

承明常謁帝函谷坐成仙少別商山下長探禹穴前雲
迎出關馭花待過江船欲識恩華重宸章七曜懸

唐 于休烈

飛名紫府內抗手白雲鄉道與松喬匹築辭園綺行夫
君既鶴駕幼子復霓裳少別留宸藻東南歸路光

唐 齊光父

晚歲朝真隱皇情諒不違辭家五十載今日復東歸祖
帳臨青道天章降紫宸願嗟軒冕者誰與比光輝

御秘監外紀卷二

六 大明叢書

約園刊本

唐 韋述

二疏方告老四皓盡歸山鵲鵲都門別仍看衣錦還霓
裳標逸氣丹竈理童顏一遇真仙侶羣心難可攀

唐 韓偓

子綦南國隱周氏北山居羽客輕簪綬霓裳下里閭仙
帆歸海近雲氣度關虛今日辭明主深恩寵漢疏

唐 杜昆吾

辰象降星精登朝隱吏并求珠謝軒冕放舄指蓬瀛擲
地文章逸匡儲羽翼成江邊丹障起雲外綠輿迎落落

神仙意悽悽離別情聖恩殊未已何獨厭承明

唐張綽

北闕皇恩重東門紫氣飛爲看賓客去何似買臣歸迎
綬旋江國題輿入侍闈千年舊蹟在七日故人非別涕
鶴霓服離筵著錦衣無因伴仙羽空此羨光輝

唐陸善經

至貴不忘初辭榮返舊居霓裳因寵錫鶴駕欲凌虛丹
禁傾三事青門祖二疏函關遇真隱應演道家書

唐胡嘉鄢

賀正監外紀 卷二

七 四明叢書
約園刊本

帝鄉辭寵命羽服表華年地變君臣禮門榮父子仙鳳
書開紫觀鶴駕待青田歸舸蓬萊近宸章日月懸跡光
三樂美聲重二疏賢卽此過函谷應留道德篇

唐魏瓘

東門挂冠處西漢祖筵開乃是黃庭老言辭丹闕來方
稱四皓德更仰二疏才今日青谿路何時謁帝回

唐李彥和

遺榮辭上國解印適稽山聖主流深眷羣公祖別顏綵
帆收鑑水紫氣度函關應是遼陽鶴千年始一還

唐張博望

紫綬朝中貴黃冠物外高孰能知止足君獨避塵勞已
曉青霞志方從碧落遊軒車儻來物從此賤吾曹

唐辛替否

送君青門外遠詣滄海汜鳧舄遊帝鄉羽衣飛故里術
妙焚金鼎丹成屑瓊葉追餞會羣僚屬文降天旨秦吳
稱異域少別猶千祀黃鶴寓遼陽應明城郭是

唐盧象

先生紫陽眞人口耳河目神氣有異年八十六

續通志外紀卷二

八四明叢書
約圖刊本

而道心益固時人方之赤松子去年寢疾累日
冥然如夢長男曾子求於神鬼長請於天禍司
命之籍與鬼物相競而角觚焉而告眞人乃洽
然而歸於是表請辭官乞以父子入道俱還故
鄉仍以山陰舊宅爲觀焉皇帝嘉尙其事尋而
見許擇日度公與男田時公卿大夫觀者如堵
皆曰賢才也正月五日上令周公邵公洎百寮
餞別青門之內玄鶴摩於紫霄吹笙擊鼓盡是
仙樂聞者莫不增歎輕軒冕焉余與眞人相知

不以年不以位俱承太公之後見賞王粲之詞
悠悠此別不覺流涕輒贈古歌辭一首庶爲眞
八傳用之爾

君不見先生耳鼻有仙骨目號狂生中有物金華侍講
三十年兒戲公卿與簪笏青門抗行謝客兒健筆連羈
王獻之長安素絹書欲徧主人愛惜常保持每歎二疏
不足道復言四皓常枯槁去年寢疾彌數旬神鬼盈庭
謀老長男泣血求司命少女嘔眉誦靈寶還如簡子
復歸來更與洪崖同壽考上書北闕言授錄稅駕東州

東坡監外紀 卷二

凡四明叢書
約園刊本

願修道初聞行路猶未信果遂吾君謂之好山陰舊宅
作仙壇湖上閒田種芝草鏡湖之水含香冥會稽仙洞
多精靈須乘赤鯉遊滄海當以羣鷺爲道經皇恩贈詩
四十字明主賜金三十鎰俱帳傾朝一送歸雙童駟馬
從茲出迴看紫綬若輕塵遠別青門嗟故人鴛鴦差池
攀羽蓋虹霓天矯翊車輪田男列侍浮邱伯曾子榮過
朱買臣余高若是有先覺滅跡歸根從大樸千載悠悠
等令威十洲漫漫思方朔歸去來青牛頓足少遲迴忽
然雲霧不相見唯有飄飄杳氣來

壽鏞案宋孔延之會稽掇英總集二十卷各有類目
自唐玄宗起至盧象止詩三十八首均錄人賀監門
其第二首李適之清全唐詩錄誤爲唐玄宗乃承計
有功之訛其餘字句亦閒有出入茲悉依掇英之舊

唐李白

久辭榮祿遂初衣曾向長生說息機眞訣自從茅氏得
恩波寧阻洞庭歸瑤臺含霧星辰滿仙嶠浮空島嶼微

送賀賓客歸越

唐李白

鏡湖流水漾清一作春始波狂客歸舟逸興多山陰道士如

相見應寫黃庭換白鵝

奉和賀監林月清酌

唐王灣

賀祕監外紀卷二

十四明叢書
約園刊本

華月當秋滿朝英一作軒假興同淨林新霽入規一作院

小一作早涼通碎影行筵裏搖花落酒中清宵凝爽意併

此助文雄

壽鏞案賀監
原詩今佚

對酒憶賀監二首并序

唐李白

太子賓客賀公於長安紫極宮一見余呼余爲
謫仙人因解金龜換酒爲樂歿後對酒悵然有

懷而作是詩

四明有狂客風流賀季眞長安一相見呼我謫仙人昔

好杯中物今一作翻為松下塵金龜換酒處卻憶淚沾巾

狂客歸四明山陰道士迎敕賜鏡湖水為君臺沼樂人
亡餘故宅空有荷花生念此杳如夢淒然傷我情

重憶

唐李白

欲向江東去定將誰舉杯稽山無賀老卻掉酒船回

遣興

五首之一

唐杜甫

賀公雅吳語在位常清狂上疏乞骸骨黃冠歸故鄉爽
氣不可致斯人今則亡山陰一茅宇江海日清涼

飲中八仙歌

唐杜甫

賀秘監外紀卷二

十一四明叢書
約園刊本

知章騎馬似乘船眼花落井水底眠汝陽三斗始朝天
道逢麴車口流涎恨不移封向酒泉左相日興費萬錢
飲如長鯨吸百川銜杯樂聖稱世賢宗之瀟灑美少年
舉觴白眼望青天皎如玉樹臨風前蘇晉長齋繡佛前
醉中往往愛逃禪李白一斗詩百篇長安市上酒家眠
天子呼來不上船自稱臣是酒中仙張旭三杯草聖傳
脫帽露頂王公前揮毫落紙如雲煙焦遂五斗方卓然
高談雄辯驚四筵

懷賀秘監

明朱武

八旬乞身鬢已皓後人競謂知幾早若論懸車宜暮年
平原殉節年同老身在金門夢帝居朝辭榮居暮樵漁
至人乘化本無迹抽簪小節何足書獨羨塵埃辨謫仙
又逢秋水識鬢年唐朝二李殊傑出知人之哲千秋傳
吁嗟吾生季何晚天涯誰進王孫飯虞翻知己恃青蠅
阮籍途窮空自返逸老堂圯秋草淒鑑湖波漲秋煙迷
躑躅祠前雙柏下傍人止有晚鷓啼

明李桐

生長鑑湖濱高風慕季真能於塵世裏識此謫仙人夢

寶祕監外紀卷二

十二四明叢書
約園刊本

帝非由想辭榮更外身剡溪宸翰在物色至今新

明劉晉蕃

彭卜纔能出涓濱廷耆偏乞鏡湖身一生用醉全其醒
舉國皆狂見亦真翰苑謫身今俠友釣臺高隱古比鄰
懸書昔日青門宴不及荒祠薦白蘋

清閻性道

欲問黃冠製難尋入道篇亭飛一鏡月橋鎖半汀煙豈
晚歸朝歲而先避蜀年杉舍清嘯遠疏影斷雲連

鑑湖懷賀季真

清顧廷綸

達人貴知幾辭榮苦不早終朝簪紱纏不如歸去好四
明有狂客立身非草草隨分便知足矢志行歸老憶昔
開元初君臣意傾倒勳業炳姚宋相期攜風抱詎料時
事改稅政始天寶主德恐不終臣心敢自保黃冠志初
服山水恣幽討鑑湖三百里一一皆瓊島餘生知有幾
忠實君王造有唐萬萬年願向千秋禱

十一夜過山陰懷賀先生

清徐時棟

洛陽到處飛雲白

嚴郡送賀監詩自注云將離洛都歷別公卿十數事其處皆有白雲起

山陰道上迎狂客出關仙馭過江船鏡湖千載風流伯

寶祕監外紀卷二

十三四明叢書
初四本

先生昔在開天際兩命方榮作歸計八六行年歸去來
後人卻笑何濡滯是時朝中無老成上以宮傳煩先生
陳善納誨毓聖德羽翼未成難遽行可久別又速則連
時乎時乎非止足果然靈武日再中中興元功歸舊學
世儒持論多失真不知其世爭其人憑君試誦唐賢句
我豈無故拔先民齊泚詩云君家在四明李白詩云在
客歸四明山陰道上迎故余斯先生
爲四明人而隱於山陰者前人互相爭論多屬閑會
而毛大可據錯謬唐書爭先生爲蕭山人尤可笑也今
我來入山陰道極目稽山無賀老諸君勿喧聽我歌陳
言欲以新詩掃我歌汝和狂嘯呼天高日明秋滿湖有

賢如此不相識我懷先生高風孤

法書

述書賦一節

唐賈 息

湖山降祉狂客風流落筆精絕芳詞寡儔如春林之約
彩寶一望而寫憂邕容省闈高逸豁達解朝服而歸鄉
斂寬裳而辭闕

貞羣案陳鴻墀全唐文
紀事引此語同不錄

述書賦注

唐賈 蒙

賀知章字維摩會稽永興人太子洗馬德仁之孫少以

賀祕監外紀 卷二

十四四男叢書
約開刊本

文詞知名工草隸書進士及第歷官太常少卿禮部侍

郎集賢學士太子右庶子兼皇太子侍讀檢校工部侍

郎遷祕書監太子賓客慶王侍讀知章性放善謔晚年

尤縱無復規檢年八十六自號四明狂客每興酣命筆

好書大字或三百言或五百言詩筆唯命問有幾紙報

十紙紙盡語亦盡二十紙三十紙紙盡語亦盡忽有好

處與造化相爭非人工所到也天寶二年以老病乞長

請入道歸鄉里特詔許之重令入閣諸皇以下拜辭上

親製詩序令所司供帳百寮餞送賜詩敘別知章表謝

手詔答曰卿儻才舊素德著考成方欲乞言以光東序而乃高蹈世表歸心妙門雖雅意難違良深耿歎眷言離祖是用贈詩直保松喬慎行李也兒子等常所執經故令親別尊師之義何以謝焉仍拜其子典設郎曾子爲朝散大夫本郡司馬以仲何養知章以羸老乘輿而往到會稽無幾老終元年冬十二月詔曰故越州千秋觀道士賀知章神清志逸學富才雄挺會稽之美箭蘊崑岡之良玉故飛名仙省待詔龍樓願追二老之奇蹤克遂四明之狂客允協初志脫落朝衣駕青牛而不還

賀秘監外紀卷二

十五 四明叢書

約園刊本

狎白鷗而長往舟壑靡息人琴兩亡惟舊之懷有深追悼宜加縟禮式展哀榮可貽禮部尙書者也

洛中寺北樓見賀監草書題詩

唐劉禹錫

高樓賀監昔曾登壁上神蹤龍虎騰中國書流讓皇象北朝文士重徐陵偶因獨見空驚目恨不同時便伏膺唯恐塵埃轉磨滅再三珍重囑山僧

祕書省有賀監知章草題詩筆力道健風尚高遠

拂塵尋玩因此有作

文苑英華作
過賀監舊宅

唐溫庭筠

越谿漁客賀知章任達憐才愛酒狂
灘驚葦花隨釣艇
蛤蜊菰葉夢橫塘
幾年涼月拘華省
一宿秋風憶故鄉
築路脫身終自得
福庭回首莫相忘
出羣鸞鶴辭遼海
落筆龍蛇滿壞牆
李白死來無醉容
可憐神彩弔殘陽

祕閣五絕圖賀監草書贊

唐 權德輿

季真造適揮翰睨壁酒仙逸態草聖絕跡興涵雲海詞
韻金石傳於祕邱豕豕無斲

因話錄一則

唐 趙璘

祕書省內有落星石薛少保畫鶴賀監草書郎餘令畫

黃祕監外紀卷二

十六四明叢書

物園刊本

鳳相傳號爲四絕元和中韓公武爲祕書郎挾彈中鶴
一眼時謂之五絕

宣和書譜一則 草書

宋 佚名

唐賀知章字季真越州永興人擢第後復登超拔羣類
科天姿夷曠談論警發能文善草隸當世稱重恐不能
遽取每於燕閒遊息之所具筆硯佳紙候之偶意有愜
適不復較其高下揮毫落紙纔數十字已爲人藏去傳
以爲寶晚節尤放誕自號四明狂客脫落簪紱之累嬉
戲里巷間與物無忤每醉必作爲文詞初不經意卒然

便執行草相間時及於怪逸尤見真率往往自以爲奇使醒而復書未必爾也書時惟問紙有幾幅或曰十幅則詞隨十幅盡或曰二十幅則隨二十幅意乃止然多益辦不見筆力之衰忽有佳處人謂其機會與造化爭衡非人工可到蓋胸中所養不凡源深流長自然之道天寶初病夢遊帝所數日寤乃上章乞爲道士從之又賜鑑湖數頃爲放生池以越州所居爲千秋觀旣辭明皇作序太子以下拜辭百僚飲餞賦詩敘別時官爲祕書外監後贈禮部尚書今御府所藏草書一十有二

寶秘監外紀卷二

十七四明叢書

約園刊本

孝經二

洛神賦上下二

胡桃帖

上日等帖一

碑塘案上日疑近日之誤

千文五

內一軸不完

東觀餘論一則

宋黃伯思

王逸少十七帖先唐石刻本卷尾有敕字及褚遂良解如意核定世傳別本蓋南唐後主煜得唐賀知章臨寫本勒石真澄心堂者而本朝侍書王著又將勒石勢殊疎拙

石刻鋪敘一則

宋曾宏父

續閣帖十卷元祐五年庚午四月祕省之以淳化閣帖所未刊前代遺墨入石有旨從之至徽宗建中靖國元年辛巳八月畢工歷十一年費緡錢一十五萬乃成摹寫者待詔邵彰上其事者祕書少監鄧洵武孫諤也卷八則虞世南賀知章柳公權後則無名人帖

嘉泰會稽志二則

宋施宿

賀知章字季真會稽人善隸草常與張旭遊於人間凡人家廳館好牆壁及屏障忽忘機興發落筆數行如蟲篆飛走雖古之張索不如也好事者供其牋翰共傳寶

賀祕監外紀卷二

六十四明叢書
約園刊本

之書賦云湖山降祉狂客風流落筆精絕芳詞寡儔如春林之絢彩實一望而寫憂今存草書一帖云湖東只因種蓮四十步閒遂不生口豈不相宜耶菓珍紫萼適我願也知口下稍止赤精服七八過前後有米元章小楷題識禮部尙書尤延之刻置天台郡齋政和間祕書郎黃長睿嘗見張長史帖十字云賀八清鑑風流千載人也長睿跋云沈吟此語恍若季真在目長史此帖不

獨草聖可賞也

貞羣案此則嘉靖寧波府志敬
止錄佩文齋書畫譜均採之

龍瑞宮記賀知章撰并正書刻於宮後葛仙公鍊丹井側飛來石上漫滅僅存宮內有重刻本

戲鴻堂法書跋一則

明董其昌

澄清堂宋人以爲賀鑑手摹南唐李氏所刻余見五卷皆大王書出淳化帖之上亦如賀八清真下視王著此閒可容數等真法帖之祖也余採其尤異者爲一卷以殿戲鴻堂之末亦欲使宋元以後右軍再出耳

庚子銷夏記一則

清孫承澤

澄清堂帖澄清堂所刻皆右軍書計十卷黃長睿謂爲

觀龍監外紀 卷二

十九 四明樓 書約園刊本

唐賀季真手摹李後主得之刻石澄清堂極其精善遺在淳化閣帖之上惜世無傳者余僅得第一第三第四共三卷然王氏書法備於是矣

閒者軒帖考一則

清孫承澤

澄清堂帖爲唐賀季真手摹皆右軍書余舊見數冊丁亥又見第一第三第四三冊清真生動筆花靈舞覺宋人諸刻皆在其下卷首有甲乙字號蓋十冊也

康熙鄞縣誌一則

清聞性道

唐賀知章書 豐氏萬卷樓向藏千字文章草孝經龍

瑞宮記樓燬三帖無傳 醉中吟帖藏潤州蘇易簡家
澂堂帖臨祕閣續本藏王宜學家臨十七帖李後主刻
澄清堂王著又翻刻 近日隔日帖汝州所刻又郭子
謙所輯草韻辨體三則俱摹刻賀監紀略

鮎埼亭集外編

清 全祖望

天一閣碑日記 豐氏萬卷樓石刻有爲世間所絕無
者如唐祕書賀公章草孝經千文是也而今不可復見
惜矣

兩浙金石志一則

清 阮元

寶祕監外紀 卷二

二十四明叢書 鈔圖刊本

唐龍瑞宮記 右刻在會稽縣宛委山龍瑞宮後飛來
石上文十二行正書徑寸嘉泰會稽志云龍瑞宮在縣
東南二十五里有禹穴及陽明洞天道家以爲黃帝時
嘗建候神館於此至唐神龍元年置懷仙館開元二年
因龍見改今額又云山巖有飛來石其下葛仙翁丹井
山南則葉天師龍見壇棲神乃候神之誤又吳越春秋
此山爲黃帝藏金簡玉字之書處有男子自稱蒼水使
者禹因之得導水之法云云此記所述皆與諸書合而
諸道石刻錄謂刻於開元二年二月則誤以建宮之年

爲刻石之年矣唐書賀知章於證聖初擢進士歷官至
祕書監天寶初請爲道士還鄉里書碑當在歸里之後
王象之輿地紀勝載此刻而不及其年月是記後本未
書年今石上四圍有界線可證也

貞翠案是記編入遺書故不重錄金石志目
存宮記二字下署祕書監賀知章六字而已

詩話

侯鯖錄一則

宋趙令時

四明狂客賀知章回鄉偶書二首云離別家鄉歲月多
近來人事半消磨惟有門前鑑湖水春風不減舊時波

賀祕監外紀卷二

三十四明叢書
約園刊本

又云幼小離家老大回鄉音難改面毛鬚兒童相見不
相識卻問客從何處來一說黃拱作

唐詩紀事九則

宋計有功

詠柳云碧玉妝成一樹高萬條垂下綠絲條不知細葉
誰裁出二月春風似剪刀

曉發詩云故鄉杳無際江皋聞曙鐘始見沙上鳥猶埋
雲外峯

賀知章年八十六臥病冥然無知疾損上表乞爲道士
還鄉明皇許之捨宅爲觀賜名千秋命其男曾子會稽

郡司馬賜鑑湖剡川一曲

元乞官湖數頃爲放生池因賜剡川一曲

詔令供

帳東門百僚祖餞御製送詩并序云天寶三年太子賓
客賀知章鑒止足之分抗歸老之疏解組辭榮志期入
道朕以其年在遲暮用循挂冠之事俾遂赤松之遊正
月五日將歸會稽遂會東路乃命六卿庶尹大夫供帳
青門寵行邁也豈惟崇德尙齒抑亦勵俗勸人無令二
疏獨光漢冊乃賦詩贈行詩云遺榮期入道辭老竟拙
簪豈不惜賢達其如高尙心寰中得祕要方外散幽襟
獨有青門餞羣英恨別深又云筵開百壺餞詔許二疏

賀祕監外紀卷二

三十四明叢書

納園刊本

歸仙記題金錄朝章換羽衣悄然承睿藻行路滿光輝

壽鏞案此則爲賈似道採入全唐詩話今畧尤表撰
者又案筵開百壺餞六句李適之詩也計公誤矣

李林甫詩云挂冠知止足豈獨漢疏賢入道求真侶辭
恩訪列仙膏文含日月宸翰動雲煙鶴駕吳鄉遠遙遙

南斗邊

知章採蓮詩云稽山雲霧鬱嵯峨鏡水無風也自波莫

言春度芳菲盡別有中流採芰荷

朝士以知章吳越人戲云南金復生中上知章賦詩云

級鏤銀盤盛蛤蜊鏡湖葦菜亂如絲鄉曲近來佳此味

遮渠不道是吳兒

神龍中知章與越州賀朝萬齊融揚州張若虛邢巨湖州包融俱以吳越文詞俊秀名聞上京朝止山陰尉齊融崑山令若虛兗州兵曹巨監察御史融遇張九齡引爲懷州司戶集賢直學士知章最貴神龍中又有尉氏李澄之善五言詩終宋州參軍

知章送張說巡朔方應制云荒境盡懷忠梯航已自通九攻雖不戰五月尙持戎遣戍徵周牒臨邊重漢功選車命元宰授律取文雄宵出天弧上謀成帝握中詔旗

甄秘監外紀

卷二

王三四明叢書

一約園刊本

分夏物專討錫唐弓帳宿伊川右鉦吹晉苑東甕人藉蕢寶樂正理絲桐歧陌涵餘雨離川照曉虹恭聞詠方叔千載舞皇風

又送張說集賢上學士應制云西學垂玄覽東堂發聖謨天光燭武殿時宰集鴻都枯朽霑皇澤飛舞帝梧跡同遊汗漫榮是拔泥塗三歎承湯鼎千歡接舜壺微軀不可答空欲詠依蒲

對牀夜語一則

宋范晞文

高適詩云林稀落日行人少醉後無心怯路歧老杜有

前村山路險歸醉每無愁詞簡意工孰臻其妙乎造語者宜知之又如楊衡詩云正是憶山時復送歸山客張籍云長因送人處憶得別家時盧象還家詩云小弟更孩幼歸來不相識賀知章云兒童相見不相識笑問客從何處來語益換而益佳善脫胎者宜參之近時嚴坦叔還家詩亦有舊時巷陌渾忘記卻問新移來住人頗得知章之遺意

批點唐音一則

明顧璘

采蓮曲季真棄官學道詔賜鏡湖一曲故其說如此言

寶祿監外紀卷二

辛酉四明黃書

約園刊本

富貴外別有可樂者

敬止錄一則

明高字泰

唐後詩人多引用賀監然皆尋常活套語用之最靈變出奇不窮者惟東坡一人試摘錄之次李公擇詩自笑餐鴛典屬國來看換酒謫仙人魯滿思復誰言載酒山無賀寄取啼烏巷有顏答劉景文但空賀密杯中物草示孫郎帳下見次惠循二守風流賀監嘗吳語憔悴鍾儀獨楚音次馬元賓握手寧知無賀監結交誰定許袁絲送呂朝昌臥看古佛凌雲閣勅賜詩人明月湖跋二

錢倡和生平賀老慣乘舟騎馬風前怕打頭題醉眠亭
從教世路風波惡賀監偏工水底眠題四明狂客圖狂
客思歸便歸去更求救賜枉天真

遺蹟

賀祕監故宅

寶慶四明志 今鄞縣句章鄉小溪之馬湖有洗馬池
故迹世傳以爲賀監舊宅相距三里曰賀家灣其地賀
姓甚多而貧掘土得碑石率棄之今其斷石存而可識
者曰會稽郡賀與府君六字而已耆老謂賀監始居此
後乃徙剡川也

賀祕監外紀 卷二

三五四明叢書
新園刊本

過小溪鮑彥升宅是賀祕監所生處

明 周應辰

來尋鮑子宅也卜賀公鄰老樹如迎客兒童慣引人
窗鳴小溪雨甕滿鏡湖春舊社叨文會山房思更新
賀祕監書樓

光緒鄞縣志 賀祕監書樓在響巖

賀祕監書樓

明 楊德周

莓苔帶雨蝕豐碑狂客移棹逐水移千載高風流不

盡夕陽潭影對鷓鴣

前題 高尙十詠之一

明 葛士楨

上躡雲根下水濱樓頭狂客祕書珍
千年高尙原堪隱不敢逢人說避秦

明 周元孚

謫仙狂客兩相親書舍名山共未湮
此去廬峯幾千里卻來鑑曲便棲神

賀祕監釣臺

光緒鄞縣志 賀祕監釣臺在響巖高尙澤

賀祕監外紀卷二

三六四明樓書約圖刊本

高尙澤釣臺記

清 全祖望

唐賀祕監之故居在吾鄞城南馬湖故其地曰賀家
灣有池曰洗馬以祕書族祖德仁故也去馬湖不數
里爲響巖祕書之別墅其澤曰高尙蓋取明皇御賜
詩句澤之上有祕書釣臺焉城南之山水皆屬東四
明一帶所磅礴無不奇者至響巖益清越蕙江九曲
澄碧無際瀕江石壁橫厲如屏風水北作聲水南應
之嘹亮如石鐘而寥天淡蕩時見空中色相如佛影
巖下有洞柱頭編之所聚漁人終歲取之不竭殆文

選所云丙穴者也江東產鱸之富莫過於浦陽顧其風味遠遜是間數倍巖上簷簷數萬蔽天拂日長有雲氣護之又有鷓鴣千羣往來泚中而北巖則有頌伽飛鳴其間此釣臺之大概也當日祕書御風仙履朝遊剡曲暮宿石梁浙東洞天都歸嘯傲是臺待游息之一區耳而其勝絕如此環臺左右而居者爲葛氏吾友巽亭之祖宅也山中更無庶姓巽亭致疑於其家譜言遠祖有官太尉者實借祕書居此願何以不見舊志予攷葛氏原籍潤州之丹陽其居鄞始於

宋慶曆中贈都官郎中旺實自處州之麗水來則太尉之說非也都官爲鄞江先生高弟以多學稱隱居不出故世遂以高尙澤稱高尙宅屬之葛氏都官之子度支暨度支之子主簿皆荆公爲作志世德如此何事遠稱大尉以蹈沈約魏收之失巽亭曰然吾固疑之得子言而益信也予嘗遊桐廬江上縱觀巖公東西二臺其地良寥廓山高水長令人興一絲九鼎之感然是臺之秀則別自有不可掩者今葛氏杵之筆牀茶竈之間何其幸也因語巽亭令修復其故址

臺下別爲祠三閭祀祕書而配之以都官予將棄人間事來作祠下史看山看竹日哦詩佛影中饑則啖青鯪以爲糧雖萬戶侯不易也

賀祕監釣臺

明沈一貫

落日扁舟訪釣臺青溪紅樹獨徘徊樵夫語我江天暗無可久留歸去來

清馬曰略

幽棲本足樂何必定爲官千載留釣石至今溪水寒
遂初羨此老君歸亦故山相思時有寄遺我一漁竿

賀祕監外紀卷二

二八四明叢書
約園刊本

清全祖望

北望馬湖近

馬湖夫釣臺五里公所居也

垂綸有舊村清狂意吳

語高尙表青門故宅荷花老斯人爽氣尊大魚來鄴

社九鼎一絲存

鄴侯童時爲公所知

高尙澤訪賀祕書釣臺

清王燾

甘辭榮祿臥江村渺渺滄波片石存自愛名山分赤
壁不教閒淚灑青門金戈鐵馬皇都遠草履黃冠逸
老尊月暗響巖聞鶴唳釣臺知有未歸魂

雨後渡蘭江過賀祕書釣臺

清王燾

殘雨下平蕪扁舟出畫圖意中狂客遠眼底釣臺孤
詩酒誰知己江山有故吾還尋白雲子一洗鐵葫蘆

賀祕監釣臺

清徐時樑

天寶垂裳治先生解組行至今釣臺下江水尙秋聲
高躅風真邈前幾見獨真邇來尋勝跡愧我遠遊情

訪高尙澤古址

清董癩

先生歸去來到今已千載林泉高尙風蕭然絕人外
古樹交枝柯屏山作圖畫下有溪流聲悠悠送天籟
游魚靜不驚藻荷立如蓋盟此白水心濯纒清可愛

賀祕監外紀 卷二

三五四明叢書
約圖刊本

羣流急趨下誰能知勇退西望嚴子陵獨坐客星灑

馬湖

光緒鄞縣志 馬湖縣南五十里相傳賀知章洗馬池

今僅如盃浴龜鼃而飲牛羊舊唐書稱知章爲太子洗
馬德仁之族孫池名其因是耶距池三里曰賀家灣賀
姓尙多

登賀祕書洗馬湖山

清王燾

一代眞狂客千秋洗馬湖古人不可作勝地亦荒蕪
春盡花香薄天清塔影孤風流誰繼起惆悵調川圖

響巖

康熙縣志 響巖縣西南五十五里巖壁峭立下浸
冠江巖中空洞廣容凡江水作聲與遊人笑語巖中
皆響應故曰響巖唐祕監賀知章嘗隱於此嘗有讀書
樓後人稱高尚宅造明皇賜詩豈不惜賢達其如高尚
心之義也又相傳巖影如佛像一名佛影巖天寒鷓鴣
羣集又名鷓鴣巖下有鱖魚洞相對有普和寺

鏡湖

嘉泰會稽志 鏡湖在會稽縣東二里故南湖也一名

賀祕監外紀 卷二

三十四明叢書

約園刊本

長湖又名大湖通典云東漢永和五年太守馬臻始築
塘立湖周三百十里溉田九千餘頃人獲其利王逸少
有云山陰路上行如在鏡中遊鏡湖之得名以此

賀監湖上

宋樓鑰

萬頃平湖一葦杭此歸喜似賀知章上恩賜與西湖
曲遂老吾家歸照堂

狂客歸來終好夸越王城下占煙霞此中信美非吾
土不似西湖是我家

放生池

嘉泰會稽志 會稽縣放生池在府東南一十里天寶
二年祕書監賀知章表乞永周湖數頃爲放生池詔許
之明年春以黃冠歸故鄉賜鑑湖剡中一曲敕永周湖
爲放生池府有池放生始見於此自永周歲久湮沒更
爲民田舊池寢廢歲遇壽節放生無定所隆興二年□
□□□□二百七十頃以爲放生池奏聞詔從之又
於池側置咸若亭曾文清公撰記 耆舊謂今東城南
望爲賀家湖疑卽剡川也其極目浩渺光景澄澈實東
州佳觀云

賀祕監外紀 卷二

三四明叢書

約園刊本

賀季真宅

嘉泰會稽志 唐賀祕監宅在會稽縣東北三里八十
步知章晚自號四明狂客天寶初請爲道士還鄉里詔
許之以宅爲千秋觀又求周官湖剡川一曲宅今天長
觀是

康熙浙江通志 賀監宅在會稽五雲門外一名道士
莊

嘉慶山陰縣志 道士莊在鏡湖中與三山連接唐賀
知章致政歸自號黃冠道士故名

題賀知章故居

唐 溫庭筠

廢砌翳薜荔枯湖無菰蒲老媪寶臺草愚儒輸道租

千秋鴻禧觀

寶慶會稽續志 千秋鴻禧觀初賀知章入道以其所
居宅爲觀始曰千秋尋改天長乾道四年郡守丞相史
忠定公奏移天長觀額建於縣東南五里嘉定十三年
賜名千秋鴻禧仍爲祠官典領之地前有亭曰鑑湖一
曲又一亭曰懷賀皆史丞相建新額頒降守汪綱以觀
編小無以揭虔卽更新之爲屋六十餘間又增建眞武

賀祕監外紀卷二

三三四明叢書

約園刊本

殿先賢列仙祠并賀祕監祠爽氣堂

綱有刻字留柱間云杜少陵爲賀公

作遺興詩有爽氣不可致之語真古今絕倡千秋建堂以此名之

又築一園於觀之前

曰賜榮

園門柱間綱題其詩云敕賜鑑湖水爲君臺沼榮此太白憶賀監詩也千秋觀園成取詩中賜

榮字以

園有亭曰幽襟曰逸興曰醒心曰迎棹皆綱所

建又築長隄十里夾道皆種垂楊芙蓉有橋曰春波跨
截湖面春和秋半花光林影左右映帶風景尤勝眞越
中清絕處也

貞鞏案右千秋觀康

熙浙江通志宋之

題千秋觀懷賀亭

宋 陸游

河湟使典珥左貂曲江相君謝不朝宮中玉環孤作
妖點虜旁窺心已驕天縱欲絕地軸搖有識凜凜憂
宗祧賀公託言師松喬黃冠徑歸侶漁樵老馬立仗
不自聊去如鸞鳳沖煙霄傾都祖餞擁渭橋賢哉大
夫脫塵器揚州渡江木蘭橈入東夜聽錢塘潮我來
故祠竹蕭蕭黃冠野服傳生綃詞卑愧匪英瓊瑤空
采蘋藻奠桂椒虛堂斷香閉寂寥遺魂零落何由招
天長觀

乾隆紹興府志 萬曆志天長觀在會稽縣五雲門外

續祕監外紀卷二

三四明叢書

約園刊本

唐天寶三載祕書監賀知章辭官入道捨宅爲觀號千
秋觀七載改今額初開元十七年從羣臣請八月五日
上降誕日爲千秋節觀蓋用節名後改千秋節爲天長
地久節觀名從之宮殿上像設奇古傳以爲唐代所塑
如麻姑浮邱伯等皆他宮觀所無郡人謂之主寶

會稽縣志越人相傳明眞觀卽賀監宅然所謂鑑湖一
曲者觀中蓋無此景則嘗疑之今考前志乃知賀監宅
在五雲鄉其地風景宛然如昔而宅乃爲河泊之廢畧
也

經故賀賓客鏡湖道士觀

唐朱放

已得歸鄉里逍遙一外臣那隨流水去不待鏡湖春
雪裏登山屐林間漉酒巾空餘道士觀誰是學仙人

明真觀

乾隆紹興府志 萬曆志明真觀在府東北二里賀知
章行館也宋乾道中史浩奏移千秋觀舊額建其中爲
三清殿兩廡分享前代高尚之士凡四十一人故俗謂
之先賢堂又名鴻熙觀永樂中改今額 案嘉泰志有
千秋觀在縣東南五里宋乾道四年八月史浩奏移天
長觀舊額建前有閣榜曰鏡湖一曲亭曰懷賀縣志在
五雲門外今河泊所廢署是也蓋移額卽廢地雖異而
實則一也

明真觀

明王棨

賀監風流去不回千秋宮觀出塵埃數章喬木著濃
蔭一曲舊亭空綠苔弔古人來惟短棹步虛聲杳落
層臺不知救賜黃冠後誰繼清風自後來

天慶觀

嘉泰會稽志 天慶觀在府東南五里一百二十步隸

會稽唐之紫極宮也梁開平二年改眞聖觀大吉祥符
元年正月改曰承天觀二年令州郡各建天慶觀郡卽
以此宮應詔

和書天慶觀賀祕監堂三首

宋 秦觀

老仙舊地枕東城古木參天警晝聲我亦願爲方外
友風流何必並時生

史君平昔慕高濂一到祠堂意一新戶外黃冠應指
點公應便是謫仙人

衣履蕭條氣久清豪家門館未嘗行朱農碧瓦何從

賀祕監外紀卷二

三五 四明叢書
約園刊本

得疑有陰兵夜助成

冢墓

嘉泰會稽志 賀知章墓在山陰縣東南九里其地因
名九里墓在山巔鄉人呼爲賀墓

貞羣案諸萬里於越新編
乾隆浙江通志均採此志

圖詠

書王晉卿畫

四明狂客

宋 蘇軾

毫端偶集一微塵何處溪山非此身狂客思歸便歸去
更求敕賜枉天真

次韻題畫卷

四明狂客

宋蘇轍

失脚來遊九陌塵，故溪何日定抽身。
便同賀老扁舟去，已笑西山鄭子真。

題賀監像

宋樓鑰

不有風流賀季真，更誰能識謫仙人。
金龜換酒今何在，相對畫圖如有神。

膏鏞案詩目原作題賀監李謫仙二像今錄其一其像不知誰作或逸老堂中所奉祀者歟

賀知章乞鑑湖一曲圖

明徐渭

鏡湖無處無非曲，乞罷何勞乞賜爲。
幸有雙眸如鏡水，

賀祕監外紀卷二

三 四明叢書
約圖刊本

一逢李白解金龜

賀祕監外紀卷三

遺書二之三

後學慈谿馮貞鞏
後學鄞張壽鏞同編

祠廟

賀祕監祠

光緒鄞縣志 賀祕監祠俗稱湖亭廟在縣治西南月湖中唐賀知章讀書處宋紹興十四年莫將建逸老堂以祀知章及李白寶慶三年守胡榘更新之改名隱德堂繪黃公像合祠其中久而圯開慶元年制使吳潛重建逸老堂撤黃公而合祀白且勒黃冠真像於碑陰元

賀祕監外紀卷三

一四明叢書

約園刊本

至元十三年以是堂并涵虛館改置水馬站分南北二館祠遂廢至正十九年江浙分省命理問邱楠修館舍得知章碣像於蕪穢中遂於驛東別作祠堂專祀之明洪武初廣驛舍遷祠今地而碣像猶在驛東永樂十六年郡守汪馗遷奉祠中天啓六年郡守汪念祖祀以二月十五日載之祀典其費取鄞縣河棚無礙稅銀國朝康熙二十二年里人合資重建乾隆四十七年廣祠址建後殿嘉慶十九年重修咸豐三年又修十一年大修工甫竣而粵寇作祠遂毀同治四年修復

逸老堂記

宋 莫 將

士有負高世獨見之明介然自守以表於世者必不
俟招而來麾而去能此者非學也氣也非氣也識也
故識非學之所可致亦非氣之所可使其始稟之於
天淳涵靜默燭萬物之理而不昧平居固已陵厲清
浮俯仰宇宙視世之富貴顯榮若將浼我凡隨所遭
而暫寓者豈復以絲髮許留方寸哉予嘗論疏廣受
偕傅皇太子一日俱上疏乞骸骨揮金樂身終宣帝
之時而龔勝薛方乃以哀鳴就死欲全節於新宰攝

賀秘監外紀

卷三

二四明叢書

約園刊本

居之世管寧抱道懷寶投迹海表終身不見曹氏父
子而張翰顧榮乃以秋風萐羹酣飲謝事欲求免於
太安四王用事之日其識相去遼邈矣蓋自漢晉以
來至唐得二人曰賀季真李太白世惟以至博之學
邁往之氣知之而不知其識之絕人遠甚太白天寶
初召見金鑾殿供奉翰林嘗醉賦詩無留思帝愛其
才忤高力士摘其詩激楊貴妃不得官懇求還山帝
賜金許之益放鷺江湖間終其身季真開元十三年
爲禮部侍郎集賢院學士宰相源乾曜張說夸其兩

命之榮明皇自爲贊賜之肅宗爲太子遷賓客授祕書監天寶初一病遂詩爲道士還鄉里詔賜剡川以居初二子爲帝所知時李林甫方相羅鉗吉緡毒痛天下以太白之風標滄粹顧不減盧絢季真風流文章豈在李邕裴敦復之下幾何不遭其誅鋤乎鳳凰翔於千仞覽德輝而下之雲鵬已游乎寥廓羅者猶視乎藪澤二子之識所以絕人遠甚者也季真於長安一見太白呼爲謫仙人而太白在金陵送權昭夷亦曰吾希風廣成蕩漾浮世受寶訣爲三十六帝之外臣卽四明逸老賀知章呼予爲謫仙人蓋實錄爾則二子之相與當有神交於窈冥者矣世稱中州清淑之氣所窮則盛而不過必蜿蟺扶輿磅礴積鬱其間當生魁竒才識之民四明按東漢地理志乃越之鄞縣地有句章城及古鄞城皆漢廢城也唐武德初鄞復爲州與嵯姚巖發並總於越八年廢鄞爲鄞開元二十六年析會稽之鄞置明州取四明山爲名實並東海真淑氣蜿蟺扶輿磅礴積鬱之地宜有魁竒才識之士必季真乃當之而四明之人初不以季真

爲鄉人子爲明州一年得湖上第地爲堂以太白所稱季真之名榜之曰逸老并繪季真之像於堂上尙友千載鳳藻鸞觴而想遺風焉昔通和先生祖質子元元和己亥年嘗遇季真授以至訣言季真得攝生之妙近數百歲不死負笈貨藥如韓康伯近於天台上昇徧於人聽則季真果仙去無疑予聞仙人左元放許宣平每往來九仙城陽山中蔡經仙去亦十二年一至其家得道者或未能忘其鄉里安知季真不時來還此間耶紹興十四年八月日謹記

寶祕監外紀

卷三

四四明叢書

約園刊本

重建逸老堂碑記

宋 吳潛

逸老堂者紹興十四年郡守莫侯將所創并爲文以記之者也其義蓋摘李太白所云四明逸老賀知章之語按賀公字季真唐開元十三年爲禮部侍郎集賢院學士肅宗升儲副授祕書監太子賓客天寶初移疾請爲道士還鄉里詔賜剡川居焉剡隸越鄞故越封部公亦自號四明狂客故侯締堂安靈於是邦之月湖且合太白而祀之謂二公皆抱氣識之全者也然以予觀之太白初見明皇倨傲鮮腆待高力士

輩若奴僕其氣真可以揮斥八極驅役羣動而其未也乃陷於永王璘之黨毋亦氣有餘而識未足耶季真遭時遇主彈指可都顯位忽飄然引去人知其爲高而不知其所以高也於時肅宗之人品已瞭然於季真胸中矣使相與終始則靈武之事犯父子之大倫季真亦將不能逃萬世之責易曰知幾其神乎季真有焉又豈止於蟻螻富貴涕唾卿相而已哉此之謂真識而非徒氣之所能爲也是堂之建造今一百十五年矣屋老圯壞屢葺屢頽片瓦尺椽幾無存者

寶祕監外紀 卷三

五 四明叢書

約園刊本

予領郡之三年始克鼎新之規模宏敞視昔稍異乃求季真之像於越繪而龕之且誄以詞述以贊用詔永久俾邦之人士景清風而企芳躅或少裨於夔教云爾嗚呼自有天地以來上下數千百年其閒據權位擅勢利呼吸福禍顧盼榮辱以狂走盲趨乎一世之人者不知其幾矣未幾聲消迹滅影響無聞甚者流腥遺臭有孝子慈孫百世莫之能改乃若孤標勁節之士身歿而名愈彰千載之下雖漁人樵子亦爲之興起不以時遷世換而二其思也爲士者宜知所

擇矣堂旣成面對涵虛館表裏及東西兩橋并繕治
之輪奐丹雘皆燦然華美要不可無以敘歲月於是
乎書開慶元年秋七月癸卯朔觀文殿大學士銀青
光祿大夫沿海制置大使判慶元軍府事兼管內勸
農使金陵郡開國公食邑五千九百戶食實封一千
七百日吳潛撰中散大夫直祕閣致仕歷陽縣開國
男食邑三百戶賜紫金魚袋張卽之書降朝散大夫
直寶章閣祥符縣開國男食邑三百戶賜紫金魚袋
趙汝棣題蓋

賀祕監外紀

卷三

六四明叢書

約園刊本

賀祕監祠堂記

元 劉仁本

唐祕監賀知章字季真世居四明小谿湖上性曠達
無俗韻嗜酒善隸草書晚年尤誕放逍遙夷猶自號
四明狂客嘗擢科累官大常博士開元閒以禮部兼
集賢遷太子賓客授祕書監天寶初一旦棄官去若
敝屣著黃冠道士服請易居宅爲千秋觀詔許之仍
賜鑑湖剡川一曲蓋其抱高世絕俗之姿瀟灑出塵
之表儀形丰度鸞翔鶴峙蟬蛻汗澤之中神遊八極
泥塗軒裳浮雲富貴翩然高舉介然遠引而不顧者

也知汗世之不可爲也故寄跡老子以游方之外知
玄宗好誕將必拂其請也故許爲夢帝所之說以歆
動其聽不能終遠其鄉也故又請鏡湖剡川以居之
清風高致千載而下聞斯興起迨宋紹興間郡守莫
將訪其讀書故地闢逸老堂於城西隅月湖之曲與
李太白同祀蓋取白稱其爲逸老也寶慶中守胡榘
又更爲隱德堂以漢四皓黃公竝祀蓋擬其同郡同
德也旣而毀廢尋屬其址爲驛傳至元更化因之弗
改至正十九年冬江浙行中書省理問官邱楠奉省

寶祕監外紀 卷三

七十四明叢書

約園刊本

命繕修館舍得碣像於蕪穢中爬掌剖滌衣冠儼如
卽驛東偏別作祠堂三楹以專祀撤黃公李白位設
椒醕奠之昭崇敬焉於是吞吐湖光以據十洲鳥嶼
之勝而雲煙月露徘徊於斗牛之間者尙想先生之
風可陟也彼車塵轍迹宦途鞅掌過祠下趨館穀寧
無一二竦息者乎而邱君能表而出之其志爲可尙
已徵記於予辭不獲而爲之書至正庚子七月旣望
記承務郎江浙等處行中書省左右司郎中劉仁本
撰奉議大夫僉浙東海右道肅政廉訪司事史銓書

中奉大夫江浙等處行中書省參知政事周伯琦篆
敘唐祕監賀公

明沈愷

余嘗乘舟登湖心寺南望四明諸山隱隱如畫北顧
石虹襟帶碧流如染至含嵐浴暉頃刻殊狀殆不可
攬結愷乃見而歎曰意必有異人宮焉不然何其山
清水麗一至此也問之乃唐祕監舊宅相傳三十里
曰賀家灣披草萊得斷碑往往遺跡尚在高標清氣
彷彿於煙雲水石間賀監本鄞人唐進士歷官至太
子賓客祕書監天寶初夢遊帝居數日寤請爲道士
還故里詔許之以宅爲千秋觀又求周官湖數頃爲
放生池詔賜剡川一曲歸且放浪詩酒自號四明狂
客及祕書外監夫人孰不欲富貴祕監華階也黃冠
者流吾儒所不齒也顧辭榮耽寂逃儒歸老豈其情
哉夫出不忘隱者適也入不害存者定也適則處之
泰定則無不足所望於外者輕昔者胡華子居楚夢
漁四十年不知有城市叔敖聞其賢言於莊王召之
王與語數日請歸歸又夢爲楚官入與王圖議政事
出治其民服輿食飲甚適覺而歎曰叔敖其敗予哉

未幾王召爲執珪以不能事王左右惡於王王召責
之華免冠謝則復歎曰赦眞敗予矣遂舍其官去王
使人追之返其位叔敖曰弗可追已弗可返已王使
人視其廬則不知所往也夫賀監之夢遊帝居與胡
華子之夢漁事睽而情一也獨胡華子之夢漁則寤
其夢爲楚官則弗寤至爲執珪不善事左右然後去
亦晚矣乃若賀監位金馬與清華之選甚適矣至一
夢遊帝居卽寤卽託焉以歸卽不復返其賢於胡華
子亦旣多矣世有徇物以招悔怙寵以罔終而竟莫
之省者豈惟賀監之所不取抑亦貽警於胡華子矣
嘉靖癸卯歲季秋吉日賜進士出身中順大夫寧波
府知府前刑部江西清吏司郎中雲間鳳峯沈愷撰
郡人方仕集唐北海守李邕書

賀祕監祠堂記

并詩

明高宇泰

唐賀公知章鄞人也昔公自號四明狂客李太白稱
爲四明逸老稽山賀老明皇序云將歸會稽唐書載
公越州人乾元贈詔亦稱越州而或有疑公非鄞人
者按漢爲會稽郡合明越皆其地唐開元間鄞尙爲

鄧原隸於越州旋因四明山分置明州然則言會稽言越州言明州可通稱也至若舊唐書原多舛誤其言永興未足爲據公實生鄞小溪之響巖今名高尚宅舊有公讀書樓其地馬湖有洗馬池相傳公讀書處公本洗馬賀德仁之族孫池名或因是相距三里曰賀家灣迄今賀姓尙多城之月湖亦公讀書故地惟所賜鑑湖與墓及所捨宅爲千秋觀者俱在會稽文獻錄謂後徙剡川蓋爲寓居而卒葬於此考會稽志固列於寓賢而以所捨宅爲行宅也鄞城先無是

賀秘監外紀

卷三

十一四明叢書

約園刊本

祠宋紹興十四年明州守莫公將以公爲四明先賢建逸老堂於月湖中在古涵虛館之南祀公及李白自爲之記乾道五年守張公津葺之寶慶三年守胡公槩更新之改爲隱德堂合黃公而爲三歲久而圯開慶元年制置使吳公潛重建覓公黃冠眞像於越勒之石記於碑陰以垂永久元至元十三年此地改爲水馬站分爲南北二館而祠遂廢碑像亦淪沒七八十年馬棧間夜嘗有光人莫敢發至正十九年江浙分省理問邱楠奉省委來修驛舍得斷碣於南館

蕪穢中荆薶滌垢衣冠儼然乃故像也爲別構三楹於驛東祠之皇明洪武初并南北二館爲一驛遂遷祠於今地俗稱湖亭廟然碑像猶在驛東永樂十六年戶部主政劉公詔奉使至驛以祠像異處屬郡侯汪公旭遷於祠中嘉靖癸卯守沈公愷立石記之天啓丙寅守王公念祖創爲歲祀載之祀典俎豆之費取之河棚地稅至今遂爲例又攷宣德間里人宋恢志云至正間有唐繼宗者任鄞簿卒於官其子不能歸遂售月湖□□仲明之家居焉洪武間遷祠驛西

寶祕監外紀 卷三

十一 四明叢書
約湖刊本

得地以廣之仍令居之以奉祀又云祠建於洪武戊午至庚申之春靜軒唐處士手植雙柏於庭經今五十載而雙柏昂偉森翠方之鄞城誠罕見者其將來又不知參挺千霄幾尋丈也今雙柏又已二百五十年柯銅根石正當如少陵所詠孔明廟中物而所謂靜軒處士者意卽鄞簿子孫也莫吳與沈尙有其文多溯論公疇昔而不詳於祠故子撮畚祠之始末而書之而懷公之意則係之以詩詩曰

八十始乞身難爲後世諒白髮刺黃冠詎免衰暮狀

予謂古至人境遇非能障瀚論公平昔黜藥惟自放
身處青蒲問何異煙波傍眼花水中眠寧有榮祿相
況值君臣際任懷一無妨避世金馬門遠同曼倩行
入道亦假託興至卽高颺去住同太虛從何著高尙
眞訣卽此得茅氏更何貺當時有二老與公先後望
除奸漢陽隕使賊魯公喪番番俱老耄氣烈一何壯
謹臣與曠士殉榮非所謗風流永故國海田幾淪漲
盈盈秋水祠長對島鷺漾

賀祕監祠碑

并詩

明

周容

賀祕監外紀

卷三

十二四明叢書

繪圖刊本

古來翱翔天闕履順蹈亨而鑒分止足投老林泉者
自漢二疏外未有聞也至唐有吾鄉賀公公是時爲
太子賓客祕書監監丞上無鴟羽集榭之憂旁無飄
風南北之恐乃一旦致其仕去天子灑宸翰以寵行
百官帳青門以祖道莫不咨嗟欣慨謂繼二疏而遂
志者其公也耶脫我蟬冕倏爾黃冠卸我紫衣忽焉
野服馬首東邁鴻遠天空豈不謂賢哉至考公當年
固已年七十餘矣七十而懸車人臣之分也然按唐
史柬之七十餘尙爲尉李崑以陳州刺史來朝亦七

十餘矣真卿八十爲刑部尙書見唐制忠厚加恩禮
下不立引年之例以崇老成之風諸公遂自忘其耄
而人亦相與習之歟夫以諸公之才之德雖耄足以
樹勩業植名節爲朝廷重而持祿固位者皆依附以
自通其陋至朝謁失儀顛踣殿陛猶靦不知愧豈非
爲人心風俗大患故公毅然決志無少遲疑於以震
聳觀聽砥礪廉隅謂裨益世道豈淺鮮哉公歸未幾
奚雛煽燧凝碧之慟有伶官而僞署之免惟司業使
公猶未歸必有足爲朝廷重者何也公能遺榮於承

魏秘監外紀 卷三

十三 四明叢書

約園刊本

平必不蟻名於篡逆也又安知公之歸也非有見於
赤狐黑烏而託之鱸魚莼菜者乎借帝宮之夢遊示
北風之雨雪使朝廷因其去而思危推其心而知戒
則公之歸更勝於二疏多多矣公吾郡人也吾郡以
公爲重乃郡志列公隱逸傳中舊碑所稱率以清風
高節與子陵元亮比恐非公所樂受也古今寧有官
祕書年七十而可稱隱逸者公之賢自足爲吾郡重
而奚必以隱逸增重哉因拜公祠爲辨之而書於碑
用告後來修郡志者祠在郡城月湖西糸以詩曰

文采風流兮潤皇唐出處行藏兮光故鄉公之歸兮
臣節用章列公隱逸兮公不受臣年七十兮歸已後
金魚玉珮兮榮已久公識李白兮千古氣張蹠踏奴
隸兮天子中璫直斥華清兮禍水昭陽鑑湖清兮樓
槍午下殿走兮淋鈴雨公之歸兮臣心苦李識郭兮
猶公識李唐興復兮由此人生難兮知己我遊湖涖
兮日西頽公九原兮不復回庭柏折兮寒鴉來

逸老堂碑銘

精全祖望

唐祕書監賀公有古跡在鄞城西湖宋紹興中莫尙

賀祕監外紀 卷三

十四 四明叢書
約園刊本

書將建祠以祀之其自胡制使築而後累經修治合
食以太白尋上及黃公已而卒專祀祕監舊碑載之
詳矣祠址元時廢爲驛館遷祠於驛東明人改遷於
驛西乃里人唐氏居其中有雙柏蓋洪武以來之物
黛色參天爲遊人所愛玩湖上之佳勝也祕監籍里
會稽人爭之久矣會稽所據者新舊兩唐書吾鄉所
據者不但李杜二公之詩而以莫氏之碑會稽所據
者遺墓吾鄉所據者故居其將何以質之子考祕監
先世本居會稽吳志賀齊列傳謂浙東賀氏木姓慶

氏以避漢諱改而賀方回詳其原委謂由慶湖得姓然考慶氏乃儀禮先師慶普之裔沛人而遷越是不以會稽之慶湖得姓也但其爲會稽之望姓則已七百餘年自六朝至唐學士大夫雖遷居必著舊籍晉隋諸史無不然者劉昫宋祁系祕監以永興蓋以此也祕監之生則於甬上實在城南馬湖有村曰賀家灣有池曰洗馬以祕監族祖德仁得名馬湖稍北爲響巖祕監釣臺在焉有澤曰高尚莫將之定祕監以鄞產蓋以此也祕監晚年復居會稽則剡川旣賜之

後以周官湖爲放生池以千秋觀爲道場故其嗣子曾子卽以貳郡侍養而墓亦在焉徐渭之列祕監於會稽寓公蓋以此也然則無所事於紛爭如後人輩之嘵嘵也雖然祕監之至今蓋千餘歲矣而能使浙東之人互引以爲前輩惟恐失之則其風流可想見也祕監之在朝未嘗得有所見而唐人道之者無不極其推尊攷之於史不過頽然自放清狂而已斯蓋其跡也而非其中之所蘊祕監之神明史未之能傳也祠自康熙之季傾落日甚且二十年予自京師歸

爲重新之更擬於城南釣臺之上築一祠以志其勝而未能也乃纂是碑而系以銘其辭曰

斯人爽氣世所尊故宅荷花尙有存十洲之水清且淪雙魚酒熟香滿尊生爲游仙死爲神越人爭公亦已勒蕭山毛生尤諄諄搗扯賢哲空紛綸我參羣籍綜舊聞侑公吳語倘不悞

賀季真祠堂記

清汪國

四明月湖之濱有祠曰湖亭者祀唐太子賓客賀公季真而作也祠之建置始末載於郡志者甚詳無庸

賀秘監外紀 卷三

十六 四明叢書

約園刊本

復述而獨公出處之心迹有非後人之所及窺者是不可以不論也易曰君子之道或出或處或默或語專於出與語則爲簪紱之所榮專於處與默則爲山林之所溺二者皆非君子之中道也若夫明哲之士見微知著不肯以其身立於危邦亂朝而與物同塵韜光韞采使人見其迹而不知其心此則尤爲品之最高者若公與漢之二疏是已夫二疏之致仕也以父子二人一朝解組歸里爲史臣所美而公之乞身也亦以請鏡湖一曲後世傳爲口實然此何足以見

二公之高哉詩有之相彼雨雪先集維霰易有之日
中則日月盈則食漢宣唐玄之時治道大隆之世也
極熾而豐葉牙其間猶之釀之漸釀以成雪而日月
之將就昃食也蓋宣之末年恭顯漸及預政而玄之
季世楊李方進擅權公與二疏皆以宮僚無言責而
小人成羣知其憂必及於國家故慨然懷遜肥之志
潔身遠引而猶慮當時後世知其心而窺其隱也特
以年迫桑榆懸車爲請是其高鑒遠識絕出流輩而
忠厚渾淪令人毫無形迹之可指有非三代以下人

賢秘監外紀

卷三

十七

四明叢書
約園刊本

臣之所及者非特知止不殆知足不辱而已也漢書
以二疏與貢薛同傳此未爲知人而季真之風流當
見推於李杜二公國士不輕許予其生平德性之淵
曠必有心服無閒者不僅以其文墨之高與節概之
過人耳惜乎史氏之未能盡詳也吾觀仲翁歸里之
時其年已逾七十而公且出八十矣攷其終身殆非
無意於仕者老病休官有何足異鐘鳴漏盡而夜行
不止此鄙夫徇祿之事何煩以此擬議賢者哉然則
公之所以可傳者固自有在矣祠之建立自宋以來

年幾及千而邦人猶世世守之弗替亦可見公之風
流不隨世而沒余爲之闕發其幽微者蓋特以補前
世論公之所未及云耳

謁賀監祠

明陸瑜

春水微茫春草深湖亭花發鳥聲頻黃冠野服瞻遺
像明月清風仰昔人故宅可憐爲傳舍敝廬猶喜託
芳鄰年來已遂還鄉願爲瀉椒漿一薦蘋

明楊承鯤

賀公舊池沼千載望音徽詔許青門餞恩落白首歸

貞秘監外紀

卷三

十八

四明叢書
約園刊本

古祠陰易夕老柏晚含暉永日澄湖色清和滿素幃

明李峻

千載清狂客風流異代賢情棲珠樹鶴明溢鏡湖煙
祕要傳丹訣恩波泛酒泉黃冠眼前事踪跡許誰憐

明洪崑

湖雲流不盡湖水淡無聲歎息此中客徘徊萬古情
片帆歸思重一曲主恩明昨日長安道春風貴酒傾

明周容

太白絕代人惟公一知已風流千古存明月照湖水

荒亭自寂寞古柏半生死我來空徘徊俯仰此鄉里
夜夢遊帝居蚤朝乞故里非貪高尚名投老是常理
況入天寶運先機亦有以恨不邀李生來同一曲水
賀公祠步青蓮韻

明鍾鳴甫

已蒙天子賜荷衣肯挂塵緣觸險機幽徑尙容樵屐
往深溪惟見釣船歸仙真有訣餘丹竈客曜無心動
少微九曲武夷誰謂險一朝安步去如飛

詠賀季真祠二首

清薛士學

古人重賢豪相見卽莫逆猶歎賀季真先識李太白

御秘監外紀卷三

十九四明叢書
一符園刊本

玉卮相與酬貂裘非所惜拜疏辭金門高風生紫陌
今日瞻遺象神情甚閒適前賢不可作逸韻流往籍
九秋薦蘋蘩千載秀松柏

狂客詩名重潔清美風神當其去國時天子褒碩臣
振衣拜郊餞都門行色新野服還東越綸音出西秦
道路八千里花香隨車輪其人今已往社鼓年年春
蕭指禮祠字涼颺起青蘋

月湖眺望謁賀監祠

清謝泰宗

風流逸老宅千秋頑懦師飲酒濟寧市知人太白奇

解龜豈初志保身明哲維宮中生禍水闕外闕熊羆
黃冠無賴計流沙野服宜一曲鏡湖渺淪漪濠清池
朝夕借枕漱高風振羽儀景行起後賢拜瞻煥棟榱
柏麝芬中庭花鳥奏四時簫鼓中流競長橋飛虹垂
非但魂魄樂亦堪齊賢思所以歲寒朋不爲春花移
潔已非亂倫心理千載知我來重徘徊河干伐檀遺
稼穡寧云寶濯足好源瀾不堪飲馬窟反增清流悲

謁賀監祠二首

脩李鄴嗣

外監風流在此濱羽衣道士尙稱臣老分鑑水逾千

錢秘監外紀

卷三

二十四明教書
約園刊本

載狂擅明山只一人故里歸時無組黻青門別後有
烽塵祠前雙槩仍來往可許漁樵問舊津

廟柏蒼然照水濱煙花坐歷幾君臣采萼仍有湖中
客載酒還同方外人芝谷傳聲追大里鹿亭掃徑待
遺塵當年臺榭都如夢未有桃花可問津

賀季真祠

清袁德峻

祕監風流古所稀鑑湖一曲臥初衣
道言靈武多遺恨卻憶黃冠蚤見幾
榱柏尙餘高韻在乘船誰共醉
扶歸釣游勝跡依然事換酒何人今已非

謁賀監祠

清倪象占

遺像清高望儼然青門餞別記當年取龜纜其長安
醉騎馬俄歸剡曲眠古社風煙菰葉渚雙橋鐙火鞦
花天不知舊宅千秋觀此夕誰曾載酒船

清厲志

蜀客多才思長安遇此公文章賴不晦千古竟難同
白鶴迴天半青山在越中高情不可抱松柏動微風
秋日逸老堂下

明陸崑

寒波煙漲蕩蘆花江鎖霜林帶晚霞一曲剡川仍逸

賀秘監外紀卷三

三四明叢書
約園刊本

老千年燕市又悲笳辭恩豈欲希疏傳避世非甘學
鬱華爲問於今誰一輩得如泌也奠天家賀公識鄴侯於暑年

逸老堂懷古

清陳銘海

逸老堂前秋水碧一片茫茫波浸月南臨眾樂北紅
蓮長與斯堂雙突兀斯堂作者是何人莫公初之吳
鼎新殘碑尙有檣寮名仙筆飄飄鑑水濱聞昔湖心
足容與遊人多在花深處過客聯鑣到此間往往瞻
拜不能去雙橋影落鏡湖中英蓉遙映鞠花紅黃冠
有意衡門老白鶴孤飛雙島空紫極宮前曾有遇金

龜換酒多佳趣先生原是飲中仙心醉太白驚人句
巨眼還能識鄴侯不愧漢陽司馬流唐室中興端賴
此當時詩人孰與侯可仕具仕止則止飄然引去傲
屣耳揮毫落紙自雍雍詩侶酒徒聊爾爾堂前古柏
發秋香先生御雲入帝鄉狂客之狂不可及鑑湖一
曲容徜徉仰瞻遺像真瀟灑風流千古依然在十洲
三島杳難尋惟有清風長不改先生家住響巖東神
氣往來遙相通東望明山西稽山俯仰今古心忡忡

賀祕監逸老堂

清陳勳

真祕監外紀卷三

三四明叢書
約園刊本

久困簪組別林泉鏡水稽山舊夢牽
畫錦還鄉天賜餞大羅證果地行仙
乞身早謝青宮職到眼休驚紫塞煙
千載高風誰得仰見幾不讓二疏賢

賀祠雙柏附

康熙鄞縣志 賀祠雙柏在月湖唐賀祕監祠前

賀監祠記略

明宋恢

祠建於洪武戊午至庚申之春
靜軒唐處士手植雙柏於庭以壯麗宮宇
經今宣德甲寅五十餘載而雙柏軒昂魁偉森翠挺秀方之鄞城誠罕見者也則其

將來又不知參挺千霄幾尋丈也哉

賀祠雙柏

清 胡文學

我讀漢史仰高風知止獨有疏仲翁都門俱張傳千載誰其繼者唐賀公蘭陵舊有二疏宅欲溯高風不可卽何幸生同賀公里鑑湖一曲沾遺澤一區新築近湖堤雪汀煙嶼共漣漪袞袞喜對龐公字卜宅忻鄰祕監祠祠中柏樹山中鮮一樹奇離一樹偃屢經冰雪兩湖深曾閱蓬萊幾回淺有如二叟日相依相對如摩銅狄歸枯幹不殊鮐背瘠疏葉還同鶴髮稀

賀祕監外紀 卷三

三四明叢書 約園刊本

伏臘嘗隨鄉祭酒摩挲雙樹躊躇久此是泰山廟中物何時得爲祕監有

游仙廟

康熙鄞縣志 游仙廟縣治西南一里許分祀唐祕書監賀公知章舊址湫隘國朝康熙間提督張杰石調聲合境內士民貿基廣拓重建

游仙廟記

明 葛世振

游仙廟者郡治西南一里許臨紫薇街之東所以分祀唐祕監季真賀公也公昔讀書月湖之中此地爲

湖東畔亦其素游今湖亭之廟傍西游仙之廟傍東
實相望也然額之曰游仙者何考公綺齡時嘗夢神
人持巨斧鑿破其胸納以香劑由是才思日進非仙
授文學之始乎誦烏啼曲而輒呼青蓮爲謫仙人觀
稚子目如秋水而知鄴侯爲神仙中人當拜卿相非
具仙眸者能如是乎列舍象亭十八學士以媿勝瀛
洲是謂仙史作字如龍蛇飛動爲祕省四絕之一是
謂仙墨騎馬乘船仙於飲也玉牒祕文之對仙於風
也張長史稱賀八清鑑風流千載人也非仙於品乎

賀祕監外紀

卷三

五十四明叢書

約園刊本

陸象先謂賀兄言論倜儻一日不見則鄙吝生矣非
仙於警欬乎石恪畫仙宗十友圖而公次焉是誠仙
友竹里主人評公詩如白雲青鳳不可結攬是誠仙
音當玉環未納靈武未攘一旦託夢游帝居挂進賢
而頂黃冠儵然鑑曲之游非仙於識者能如是乎要
之公無在而不仙者也晚節放誕自號狂客遨遊里
巷之間及其歸老嘗與樵子漁父農夫牧豎盛論山
水高談隴畝旣築室鹿亭樊榭又僑居曉山下泉流
清駛至今名爲賀溪元和己亥公已百年矣祖貫嘗

於天台遇公授辟穀丹經貫得其術九十六年而言
公猶在世間往來會稽武夷吳興山水間以藥濟人
則公誠仙矣要之公無在而不游無游而不仙者也
此游仙之所以名廟也郭景純游仙詩云放情凌霄
外嚙蕊挹飛泉赤松臨上游駕鴻乘紫煙又云陵陽
挹丹溜容成揮玉杯升降隨長煙飄飄戲九垓李長
庚送公詩云真訣自從茅氏得恩波應許洞庭歸瑤
臺含霧羣辰滿仙嶠浮空島嶼微皆可彷彿公游仙
之影斯廟之所以名游仙也余家故廬相距咫尺登
堂拜公服公目不瞬劍閣之煙嵐耳不震漁陽之鞞
鼓而惟挹澄波於一曲沃明月於千秋敢假公半枕
作游仙之夢以證余言之是耶非耶姑災石爲廟記

賀成廟

光緒鄞縣志 賀成廟縣東南五里濱武場南世傳賀
知章嘗寓跡於此唐咸通間鄉人建祠祀之舊在江滸
名賀家庵後移建今地額曰賀成意以賀菴新徙而名
之俗改爲賀丞誤案賀祠本在城中湖千里人不便瞻
拜故別祀之初在林郎堰旁明洪武初王道源捐地遷

此署曰唐賀祕監丞廟公未嘗爲祕書丞也里人妄標之耳國朝同治十三年重修

賀成廟碑 并詩

明周容

賀成廟者唐太子賓客禮部尚書賀公廟也公實用祕書監丞致仕而尚書爲贈官故鄉俗多稱賀丞焉然則廟宜賀丞矣而曰成訛相傳而題額誤也廟在甬江東南里人章光祺嘗引容謁廟指額示容曰丞之訛爲成也祺幸託斯里而猶未及改正以至於今容曰公仕唐固丞也竟遺榮慕道湖山棲老視丞如

賀祕監外紀 卷三

三 王 四 明 叢 書
約園刊本

浮雲然公原不欲以丞自重則後之人又何假一丞重公春秋之法不書官貶之也朱子遵其例爲綱目有因賢而備書其官者若祠廟題額固無取褒貶例也月湖西相傳爲公故宅今爲廟題曰唐賀祕監祠豈卽所謂千秋觀遺址歟而此廟之立莫攷奚自意者公少時讀書嘗游止於是又或致仕歸杖履曾一再憩焉後遂慕想而爲之歟試偕子出門倚徙四望平疇遠風相接廬舍籬落點染炊煙雖無畫橋漁艇柳浪閒亭如月湖之勝而陸界水縈潮汐不及亦吾

郡沃壤也冬之時二麥工畢犢健土深以及於春秧
黃秧綠拋秧插秧老穉餉饁農歌互起公應樂見之
至於夏也桑柘影中桔槔斷續雨淫日酷跪禾而芸
公又惻然見焉凡此皆民之勤生計而期於秋以有
成也幸及於秋穗垂首矣葉有聲矣於焉以鉦以耒
以蹂以碓遺滯之利旁惠孀單而乃釀醴割牲叩鉦
擊缶遠近扶攜就公廟以肅享祀者感辛勤之獲報
而賀秋事之有成也公進士登第出入金馬賦詩飲
酒超然塵外歿亦必侍帝香案逍遙紫極寧屑屑不
厭猥瀆而與田祖伍則農事之成不成公不任受咎
亦不任受賀矣雖然謂逸才之士率文采自喜高意
肆志於民事膜外視之者此鄙夫妄說也公蓋嘗令
任城矣流風遺愛百世祠祀不絕公豈視民事膜外
者況此又公桑梓地乎公其念彫剝餘民宜加存卹
勿縱螟螣助彼貪吏勿聽熯燎滋爾盜心俾歲歲有
成以相賀也甫田之卒章曰農夫之慶報以介福豈
非公之大有惠於桑梓地哉然則廟額之訛丞而成
也或亦公所欣然而不致深責者也夫金銀伏獵固

以不學蒙譏漱石枕流未嘗不以明通資辨亦賀成
義也光祺曰然遂作文記之而系以詩曰

公佩金龜青宮侍讀公乞黃冠優游野服公去千年
鑑湖仍綠今儼在斯鄉音猶熟 前畦後畔左壤右
塗公在其間憫此農夫酌彼雨暘均我黍稌稂莠是
穢蠹賊是屠 歲際豐年家取十千有雞有鶩有縱
有豨婦子以孝兄弟以賢克展禋祀神保無愆 白
馬畫輪玄裳朱黼絳旗繡裳蘭鐙樺炬公出行遊導
以田祖彷彿歸來廚幔風舉 薦芷升香傳芭侑觴

輿祕監外紀卷三

王四明叢書
約園刊本

我蓑我笠我冠我裳以興嗣歲錫祐無疆勿我鄙夷
是公之鄉

重修賀成廟記

清董沛

季真先生以清風亮節照映千禩實產於明而終隱
於越故二州人祀焉鄞之有廟莫先於月湖之逸老
堂南宋莫州守所創建也其行廟在縣之東南高武
部謂里人不便瞻拜別構祠奉之度其時當在宋元
之交而張尙書嘉靖志乃謂唐季有之此未然也寶
慶延祐至正三郡志所載祠廟纂詳而無是祠果其

建於咸通何待東沙而始著哉虜初在林郎堰明洪武中里人王道源移建今地題之曰賀丞廟廟右爲王氏祠楊參議撰祠碑詳記其事錢氏鄭縣志金石列是碑爲廟碑誤夫先生之官則祕書監也雖亦涉歷少監而未嘗爲丞丞之階下於少監奈何不學之徒妄取里社之先賢而貶降其秩耶其改丞爲成不知始於何時聞貢士縣志謂舊在江滸曰賀家庵新徙而名以成俗改爲丞然考參議祠碑則當徙建之初已曰賀丞非由成改丞矣周鄧山撰廟記反以丞爲是而以成爲非

賀祕監外紀

卷三

三九四明叢書

約園刊本

何不取新舊唐書而一核之也吾鄉之祀鄉先生惟大里黃公爲最古次則賀監耳黃公之爲鄞人以虞仲翔之言信之賀監之爲四明人以同時送行之詩信之其自稱四明狂客也或且曰取鄰近之山隨意署之也至諸公之詩皆稱送賀監歸四明安有非四明之人而可曰歸四明乎所異者黃公之廟訛爲黃姑賀監之廟訛爲賀丞一則男女之別一則尊卑之殊以明確可信之鄉賢而里俗流傳舛謬若此恂不可解也廟之外爲耕藉地鄧山記中鋪敘農事以賀

秋成相比附其論亦新然改丞爲成徒以音同故耳
非必其有義也同治甲戌里人重修是廟屬余爲記
乃舉舊說之誤而詳辨之若夫表先生風節昭示來
許以起里社尊敬之心則自莫州守以來吳制使劉
左司諸公之記言之備矣無待余之贅述也

賀成廟

明盧鎮

野服黃冠物外心丹山赤水漫相尋江頭古廟松蘿
月獨鶴高飛迴夕陰

明錢光繡

賀祕監外紀 卷三

三四明叢書
約園刊本

文士肯廟食山川具勝情奔濤吞斷碣疏樹枕遙城
別墅依湖曲茲邦藉主盟更憐風月夜江畔有騎鯨

湖亭廟

光緒鄞縣志 湖亭廟縣東南四十里分祀賀知章

以上鄞縣

詩集

嘉慶山陰縣志 詩集在臥龍山上卽宋西園故址本
先詩人楊廉夫所構以擬放翁詩集後人祀廉夫因並
祀賀祕監以下六人是爲六君子詩集

以上山陰今爲紹興縣

賀監祠

會稽縣志 賀監祠在鏡湖上唐祕監賀知章祠也

賀監祠頌

於越九頌之一

宋 諸葛興

山簇簇兮環湖水
淼淼兮縈紆人何遊兮明鏡
烏何飛兮畫圖懷賀老兮
今昔想逸致兮林廬老之襟兮
天闊老之神兮秋月飛翰兮
龍鸞吐詞兮冰雪際熙
運兮開元司縟典兮春官
凌玉霄兮倚華蓋駿馭
兮升西崑俄清夢兮綿綿
恍乘雲兮登仙觀紫皇兮

賀祕監外紀 卷三

三四明叢書 一約園刊本

玉宸聆九奏兮鈞天賤天公兮
遂志鼓予柷兮錦里
吾朋兮鷗鷺吾賓兮煙水野服兮
翩躚斑衣兮娛戲
緬高賢兮非苟於去就其庶幾兮
東門之傅鴟夷之
子

賀知章祠

宋 王十朋

賀老祠堂枕鑑湖
霓裳羽化宅荒蕪
無人更問君王
覓轉使高風千載孤

以上會稽今爲紹興縣

二賢祠

大清一統志 濟寧州太白樓旁有二賢祠祀唐李白
賀知章

登太白酒樓記

宋 劉楚

太白酒樓在故濟州今濟寧府南城門上壯麗雄偉
四望夷曠有汶泗二水經其前開河安山山湖諸水
匯其西巖繹龜蒙徂徠岱宗諸山復左顧聯絡於東
北皆紆青浮白以舒斂出沒於雲煙縹緲之際而齊
魯方千里之勝可指顧而見矣其左階東南隅有二
賢祠記石刻二通蓋昔之州人嘗祀太白與知章賀
公於其上者也祠有二賢何舊傳開元中以知章爲
任城宰而來其來而止也嘗飲於此此樓之所以名
也

秦蜀驛程後記

清 王士禎

濟寧州太白樓下俯漕河憑高眺遠據一州之勝碑
板林立其左爲二賢祠祀太白賀監
以上濟寧

辨異

里賞

毛奇齡蕭山縣志刊誤 予送先贈公入鄉賢祠怪魏
晉以下從祀寥寥因於午食之次歎先賢高行如賀季
真者而不得與豈非闕憾旁一友曰以其爲四明人也
予撤箸大驚豈生其地尙不知其地之賢而溷溷若是
憶康熙乙丑分考進士已薦寧波胡鹿亭卷中一十二
日而臨發以及門之內四字見摘渠感之就邸泣謝手
奉書一部則其先侍御道南公所輯甬上詩也集二十
餘卷自三古迄今首列文種夏黃公歌次卽列賀監詩
以監爲四明人耳予笑而置之後見雲間陸伯生所輯

黃祕監外紀卷三

三十四明叢書

約園刊本

廣輿記紕繆可駭其在古蹟則有逸老堂係宋時爲賀
季真建其在祠廟則有賀季真祠在月湖中其在山川
則有月湖爲賀季真游憩之所其在人物則一如侍御
所輯文種夏黃公後卽繼以季真諸此誕妄意寧波舊
誌亦原有之故宋時郡守已早有建逸老堂者而予邑
誌中刪傳數行此外絕不道及卽鄉賢一席尙不得與
此在前諸公實有以本邑之賢推之他郡者則可憾孰
甚矣按唐書載季真在隱逸傳中明云越州永興人以
吾邑自隋時省縣併入會稽至高宗儀鳳間始復置永

興而季真爲證聖年制科所中則正在新復永興之後未改蕭山之前故其表用雖遲之開元天寶之際而通籍在先其不稱蕭山而稱永興昭昭如也初不知甬上之振之者何所依據揆其故不過以四明狂客一別號耳夫別號何常意所欲表隨在可取稱空同者不必果在山號鳳洲者不必真在海夫人而知之也使以別字之故可竟易其籍則先儒陸象山土司沙定海俱寧波人矣且彼之所以註賀監者何籍也按廣輿人物註四明人世無取縣界之山作里貫者假曰四明則必原有四明州四明郡四明縣然後可試問此四明者是何代之州何代之郡何代之縣夫四明本山地名地在餘姚唐時以餘姚縣屬之寧波稱餘姚郡而因以餘姚有四明山故稱明州餘姚郡是明州以餘姚得名賀監爲唐人果籍明州則其稱四明者亦當在餘姚不當在寧波況不籍明州而籍四明則世無此籍矣故吾謂賀監之在吾邑無論永興里貫鑿鑿不刊更無容一置他喙而卽以其傳觀之其可旁驗者有三季真所乞者周官湖也周官湖者爲季真宅傍之湖卽周家湖也湖爲永興地

此一證也若唐宗所賜一爲鑑湖鑑湖越州地又一爲
剡川剡川亦越州地也夫一賜再賜皆不出其鄉此又
一證也且季真之歸也唐宗深重之於其行也親率皇
太子及在朝百官賦詩餞送而又擢其子名僧子者爲
越州會稽郡司馬賜緋魚使侍養之向使季真爲明州
餘姚郡人而使其子之侍養者反隔處越州會稽郡以
使之奉秩進饈是俗所謂食在睦州口在麗州也此又
一證也

千秋觀

在縣南唐祕書監賀知章夢游帝
居數日始寤乃改其宅爲千秋觀

賀祕監外紀卷三

三五四明叢書

約園刊本

周官湖

卽周家湖也在縣南三
十里過五里說見後

唐賀知章乞周官湖爲放生池周官湖卽周家湖也知
章所乞祇鄉中一陂耳玄宗重知章因割鑑湖一曲與
剡川一曲兩勝水與之人但知賜鑑湖而不知有剡川
卽知賜鑑湖剡川而不知始於乞周家湖自家與官字
形相近家誤爲官遂不知其地然其爲永興人乞永興
地彰彰如也後見唐書他本且有誤爲周宮湖者益見
官可誤宮則家可誤官無庸疑耳康熙丙寅秋予乞身
歸偶於廣坐中語賀監乞周家湖事何氏伯興笑曰信

然則賀宮豬其監裔耶予問故曰賀氏有貧者以宮豬名邑之刑牡豬者必召之然而住周家湖傍坐皆歎息始知事當垂雪處有無端蹤跡可爲左驗此最不可忽者不然賀亦稀姓也而是地有之邑雖逼窄然何地不可住乃偏住此且宮豬者亦何曾知己爲賀監後而守不去也

陶元藻全浙詩話 案季真惟有門前鑑湖水春風不改舊時波句則其住湖邊由來已舊不因玄宗所賜而始但未必爲其所有耳自賜鑑湖一曲之後則一曲便

後祀監外紀 卷三

三六 四明叢書

約園刊本

爲季真所私遂稱賀鑑湖近時稱郡城偏門外一帶爲鑑湖又指五雲門外白塔洋爲鑑湖特其三處耳湖原不止此也然其延袤廣闊究未得其詳考鑑湖一名鏡湖漢以前卽有此名當從述異記軒轅氏鑄鏡湖邊因得名之說其以爲因王逸少有山陰路上行如在鏡中遊語始名鏡湖之說非也漢永和五年太守馬臻以湖通於海爲潮汐往來之所其水旣憂斥鹵而蓄洩無常則旱潦難備遂築塘蓄水溉田九千餘頃又界湖爲二曰東湖曰南湖東湖所溉之田在今會稽境南湖所灌

之田在今山陰境鏡湖又名長湖水經注浙江又東北得長湖口湖廣五里東西百三十里又其源出會稽之五雲鄉綿跨山會二縣周三百五十八里總納二縣三十六源之水東至曹娥西至西小江南至山北至郡故李白子夜吳歌鏡湖三百里菡萏發荷花自王梅溪有八百里迴環之句陳孚又有鏡湖八百里水光如鏡明之句後人遂稱鑑湖八百習以爲常然梅溪詩鏡湖春色三百里梅花水漲扁舟輕亦自相矛盾或謂八百舉山原村舍園林阡陌俱在其內非如洞庭彭蠡有數百里湖面也卽如其說曹娥在東爲會稽上虞交界西小江在西爲山陰蕭山交界僅有二百里則合南北四維計之亦不過八百里之數是將統山會溪港河濱盡屬鑑湖矣恐無此理當以三百五十八里之說爲是八百或前人筆誤否亦賦家夸大之詞不足爲據

又案寧郡志以知章爲本地人物而胡文學選甬上耆舊詩仍之皆因其自稱四明狂客遂爲所誤豈知四明山甚廣大連跨寧紹二郡則四明不專屬於寧況知章未仕前舊里原在會稽旣仕歸賜居仍鑑曲其爲紹人

而非寧人也明矣萬曆紹興志因唐書有越州永興人之說唐書不知何據毛西河先生縣志刊誤謂蕭山之荷擔僧卽賀焯生周家湖卽周官湖亦未免附會可疑使聲同字異者皆可擅易則古今何語不可附會矧聲字皆殊而文義又異者耶

壽鏞案全浙詩話首列賀監小傳次采對牀夜語俟鮪錄唐詩紀事三則均經編入故不復錄

錢大昕乾隆鄞縣志案以知章爲鄞人自莫將始而歷志因之正史所無未敢深信然四明多知章故蹟蓋嘗流寓於鄞也

興祕監外紀卷三

三八四明叢書

約園刊本

壽鏞案乾隆鄞縣志節采唐書列賀監於寓賢傳中

曹秉仁雍正寧波府志案知章據唐書越州永興人

永興今蕭山縣故舊通志列紹興隱逸傳中但鄞南鄉有山名響巖地名高尙宅傳爲知章故里相沿已久又近代廣輿記等書亦載寧人物中當非無據今仍之

周道遵咸豐鄞縣志案祕監籍里會稽人爭之久矣

今會稽所據者新舊唐書吾鄉所據者不但李杜二公詩而以莫尙書之碑爲最核會稽所據者遺墓吾鄉所據者故居考祕監先世本居會稽劉昫宋祁皆系祕監

以承輿而其生則在吾鄉城南馬湖有村曰賀家灣有池曰洗馬以祕監族補德仁得名馬湖稍北爲響巖祕監釣臺在焉有宅曰高尚無復可疑惟晚年復居會稽則在剡川既賜之後以周官湖爲放生池以千秋觀爲道場故其嗣子曾卽以貳郡侍養而墓亦在焉徐文長會稽志列祕監於寓公而以所捨宅爲行宅蓋以此也錢志猶謂正史所無未敢深信而但以四明多故蹟遂列祕監於寓賢亦見之固矣

徐兆昂四明談助 錢志但信正史稱賀監爲越之永

賀祕監外紀卷三

三九四明叢書約園刊本

興人列於寓賢試思正史亦後人所撰豈不見送賀監歸四明唐詩已有明徵祕監亦自稱四明狂客乎

任城令

王琦李太白外記 按太白任城縣廳壁記所云邑宰賀公其名不可考後人遽以賀知章當之誤也據新舊二書知章初未嘗爲任城令噫因一人之誤致後人詩文遂因之而皆誤職蒐討者可不慎歟

貞華案賀鑄慶湖遺老詩集序曰鑄十五代祖通祿書外監之從祖弟諱知止起家拜上虞丞秩滿試任城令時李翰林白寓遊是邑與公相從於詩酒間誤具美政唐公堂之壁後人魏詩石今或存焉據此爲

任城令者乃賀監從祖弟知止也 又案趙疇太白
酒樓賦未娶屠應峻汪琬太白酒樓詩山東通志大
清一統志均誤以
賀監爲任城令

朝英集

錢大昕乾隆鄆縣志 聞志載賀知章朝英集三卷按

唐書藝文志朝英集乃開元中張孝嵩出塞朝士所作

送行詩知章特其一人爾未可列諸著述之數今刪之

會稽掇英總集

青鏞案家藏杜氏原刻知聖教齋本訛奪無多陸氏所見非原刻也

陸心源羣書校補

會稽掇英總集

集久無傳乾隆中館臣始從承樂大

典錄出道光中繆興杜氏據以刊行頗多奪誤余藏明
錢叔寶手鈔本以杜氏刊本互校多得七律二首增改

寶秘監外紀

卷三

四十四明叢書

約圖刊本

千餘字今以錢氏手鈔本爲主而注杜本訛字于 卷二

旁錢鈔本每卷首有目尚仍宋本舊式今不錄 送賀秘監 注監 鑒 於止足 宋鼎 誰知探 下衍 穴處 脫

歸會稽詩 嚴都 還躡舊來衣 鳧鳥去 不將新賜鶴書歸 下

字 小 辛替 鳧鳥遊帝鄉 京 歌 厚 先生紫陽真人 下

空 與鬼物相競 田 脫 一時 明兩上 賜金三十

鎰 田 男 列侍浮丘伯 同鄉偶 善其二 鄉音難改面毛腮

鬣 家童相見不見 相識 道賀祕監鏡湖 道士觀鏡誤鑑

丹山圖詠注

黃宗羲四明山志 道藏中有丹山圖詠以明山名勝

製爲道調而託之木玄虛撰賀知章注其圖爲祠宇觀所刻與元道士毛承貞石田山房詩合爲一卷則此詠此注亦承貞之徒所爲

賀監長子名

徐時棟光緒鄞縣志 案舊唐書知章子名曾新唐書則名僧子全唐文盧象送知章序有長男僧子求於神鬼云云紹興府志賀曾子知章子天寶中官越州司馬其實一人也

賀祕監事蹟自唐書外散見於說部志乘別集者往

賀祕監外紀 卷三

早四明叢書
約園刊本

往而有約園欲輯祕監遺書訪求聞氏性善性道所纂賀監紀略未獲於是發願爲之搜集余因廣之以類相從兩人互相參證詩文而外更得外紀三卷賀監滑稽慢世隱於酒人樹若曾倚其色敷榮泉若曾酌其聲清冷千載而下猶凜然有生氣焉好古思慕之士披覽斯編狂客風流宛在目矣編次卒業爲題數語二十一年六月貞羣記

余既輯祕監遺書遺聞軼事猶多未備因函商孟頌請其增編窮一月之力屏棄百事從事手輯而體例

亦較余初稿爲精來書搗謙謂不過補闕而已此豈
僅僅補闕哉余得之大喜遂付諸梓抑攷元大德間
西域辛文房撰唐才子傳於賀監傳末云集今存據
此則祕監集旣存於元代而明末祁承燦澹生堂書
目集類別集有唐賀季真集是又爲祁氏舊藏所有
第未知其書詳略何如耳他日得之以足斯編尤吾
兩人所深企者也壽鏞記

鄭先表章賀祕監者於明有李公起塚蒐其詩文梓而

傳之王嗣爽密娛齋後集詩引嗣後聞與同性善天迺性道兄弟輯

有賀監紀略四卷清四庫史部傳記類存目口具書備

詞彙爲一編采擷頗富然如唐明皇帝送知章詩有二

本方回濼奎律髓具載朱子之說又韋穀才調集所載

楊柳枝標題誤增枝字遂以天寶以前之絕句爲長慶

以後之樂府皆未考定則亦多疏舛矣徵引古書每事

必造一標題尤鍾息齋鳴雷有賀監紀略續編四卷實

類小說體例也清乾隆壬戌息齋之孫次栽儻刻之次栽

復有祕監年譜之作是四書曾經刊行傳本罕見先賢

搜羅之富遠非末學所能及他日訪獲再爲續編記目

賀祕監遺書跋

一四明叢書
約園刊本

於此以當息壤二十二年三月二十日慈溪馮貞羣記

於臨水宦